

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं  
—

कृष्ण यजुर्वेदीय तैत्तिरीय संहिता पद पाठः  
(वाक्य सहित)

सप्तमकाण्डे प्रथमः प्रश्नः

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)

---

## **Contents**

7 कृष्ण यजुर्वेदीय तैत्तिरीय संहितायां पद पाठे सप्तमं  
काण्डं 3

7.1 सप्तमकाण्डे प्रथमः प्रश्नः– अश्वमेधगतमन्त्राणामभिधानं.. 3

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 7 कृष्ण यजुर्वेदीय तैत्तिरीय संहितायां पद पाठे सप्तमं

### काण्डं

#### 7.1 सप्तमकाण्डे प्रथमः प्रश्नः– अश्वमेधगतमन्त्राणामभिधानं

##### 7.1.1.1

प्र॒जन॑नं॒ ज्यो॑ति॒रग्नि॑-दे॒वता॑नां॒ ज्यो॑तिर्वि॒राट् छ॑न्द॒सां ज्यो॑तिर्वि॒राड्  
वा॒चो॑ऽग्नौ॒ सं ति॑ष्ठते॒ विरा॑ज॒मभि॑ संप॒द्यते॒ तस्मा॑त् तज्ज्योति॒रुच्य॑ते॒ द्वौ  
स्तो॑मौ॒ प्रातः॑ स॒वनं॑ व॒हतो॑ यथा॒ प्राण॑श्चा॒प्पान॑श्च॒ द्वौ मा॑द्ध्यंदि॒नञ्  
स॒वनं॑ यथा॒ चक्षु॑श्च॒ श्रोत्रं॑ च॒ द्वौ तृ॑तीयस॒वनं॑ यथा॒ वाक् च॑ प्र॒तिष्ठा  
च॒ पु॒रुष॑संमि॒तो वा॒ एष॑ य॒ज्ञोऽस्थू॑रि - [ ] 1

##### 7.1.1.1 - Padam

प्र॒जन॑नमि॒ति प्र॑-जन॒नम् । ज्यो॑तिः । अ॒ग्निः । दे॒वता॑नाम् । ज्यो॑तिः ।  
वि॒राडि॑ति॒ वि - राट् । छ॑न्द॒साम् । ज्यो॑तिः । वि॒राडि॑ति॒ वि - राट् ।

वाचः । अ॒ग्नौ । स॒मि॒ति॑ । ति॒ष्ठ॒ते॑ । वि॒रा॒ज॒मि॒ति॑ वि – रा॒ज॒म् ।  
अ॒भि । स॒मि॒ति॑ । प॒द्य॒ते॑ । तस्मा॑त् । तत् । ज्यो॑तिः । उ॒च्य॒ते॑ । द्वौ ।  
स्तो॒मौ॑ । प्रा॒त॒स्स॒व॒न॒मि॒ति॑ प्रा॒तः – स॒व॒न॒म् । व॒ह॒तः॑ । यथा॑ ।  
प्रा॒ण इति॑ प्र – अ॒नः । च । अ॒पा॒न इत्य॑प – अ॒नः । च । द्वौ ।  
मा॒ध॒य॒न्दि॒न॒म् । स॒व॒न॒म् । यथा॑ । चक्षुः॑ । च । श्रो॒त्र॒म् । च । द्वौ ।  
तृ॒ती॒य॒स॒व॒न॒मि॒ति॑ तृ॒ती॒य – स॒व॒न॒म् । यथा॑ । वाक् । च ।  
प्र॒ति॒ष्ठेति॑ प्र॒ति – स्था । च । पु॒रु॒ष॒स॒मि॒त इति॑ पु॒रु॒ष – स॒मि॒तः ।  
वै । ए॒षः । य॒ज्ञः । अ॒स्थू॒रिः । 1 (50)

### 7.1.1.2

र्यं॑ का॒मं॑ का॒म॒य॒ते॑ तमे॒ते॒ना॒भ्य॑श्नु॒ते॑ सर्व॑ ह्य॒स्थु॒रि॒णाऽभ्य॑श्नु॒ते॑  
ऽग्नि॑ष्टो॒मे॒न वै॑ प्र॒जा॒प॒तिः॑ प्र॒जा अ॒सृ॒ज॒त॑ ता अ॒ग्नि॑ष्टो॒मे॒नै॒व  
पर्य॑गृ॒ह्णा॒त् ता॒सां॑ परि॑गृ॒ही॒ता॒ना-म॒श्व॒त॒रोऽत्य॑प्र॒व॒त॑ तस्या॒नु॒हा॒य  
रे॒त आऽद॒त्त॑ तद्-ग॒र्द॒भे॑ न्य॒मा॒र्त् तस्मा॑द्-ग॒र्द॒भो॑ द्वि॒रे॒ता अथो॑

आहु॑र्वड॑बायां॒ न्य॑मा॒र्दिति॒ तस्मा॑द्-वड॑बा द्वि॒रेता॒ अथो॑

आहु॑रोष॑धीषु – [ ] 2

**7.1.1.2 - Padam**

यम् । काम॑म् । काम॑यते । तम् । एते॑न । अभी॑ति । अ॒श्नुते॑ ।  
सर्व॑म् । हि । अस्थू॑रिणा । अभ्य॑श्नुत इत्य॑भि – अ॒श्नुते॑ ।  
अ॒ग्नि॒ष्टोमे॑नेत्य॑ग्नि – स्तो॑मेन । वै । प्र॒जाप॑तिरिति॒ प्रजा॑ – पतिः॑ ।  
प्रजा॑ इति प्र-जाः । अ॒सृज॑त । ताः । अ॒ग्नि॒ष्टोमे॑नेत्य॑ग्नि-स्तो॑मेन ।  
एव । परी॑ति । अ॒गृह्णा॑त् । तासा॑म् । परि॑गृही॒ताना॑मिति॒  
परि॑ – गृही॒ताना॑म् । अ॒श्वतरः॑ । अती॑ति । अ॒प्रव॑त । तस्य॑ ।  
अनु॑हायेत्य॑नु – हाय॑ । रेतः॑ । एति॑ । अ॒दत्त॑ । तत् । गर्द॑भे । नीति॑ ।  
अ॒मार्ट् । तस्मा॑त् । गर्द॑भः । द्वि॒रेता॒ इति॑ द्वि – रेताः॑ । अथो॑ इति॑ ।  
आहुः॑ । वड॑बायाम् । नीति॑ । अ॒मार्ट् । इति॑ । तस्मा॑त् । वड॑बा ।  
द्वि॒रेता॒ इति॑ द्वि – रेताः॑ । अथो॑ इति॑ । आहुः॑ । ओष॑धीषु । 2 (50)

**7.1.1.3**

न्य॒मा॒र्डि॒ति॒ तस्मा॑दोष॒धयो॑ ऽन॒भ्यक्ता॑ रे॒भन्त्यथो॑ आहुः॒ प्रजा॑सु न्य॒मा॒र्डि॒ति॒  
तस्मा॑द्-यमौ जा॒येते॑ तस्मा॑दश्च॒तरो॑ न प्र जा॒यते॑ आ॒त्तरे॑ता हि तस्मा॑द्  
बर्॒हिष्य॑नवक्लृ॒प्तः॒ सर्व॑वे॒दसे॑ वा स॒हस्रे॑ वा ऽव॒क्लृप्तो॑ऽति ह्यप्र॒वत॑ य  
ए॒वं वि॒द्वान॑ग्नि॒ष्टोमे॒न यज॑ते प्राजा॒ताः प्र॒जा ज॒नय॑ति परि प्रजा॒ता  
गृ॒ह्णाति॑ तस्मा॑दाहु॒र्ज्येष्ठ॑यज्ञ इति – [ ] 3

**7.1.1.3 - Padam**

नीति॑ । अ॒मा॒र्ट् । इति॑ । तस्मा॑त् । ओष॒धयः॑ । अ॒न॒भ्यक्ता॑ इत्य॒न॒भि-  
अ॒क्ताः । रे॒भन्ति॑ । अथो॑ इति॑ । आहुः॑ । प्रजा॑स्विति॑ प्र – जा॒सु ।  
नीति॑ । अ॒मा॒र्ट् । इति॑ । तस्मा॑त् । यमौ॑ । जा॒येते॑ इति॑ । तस्मा॑त् ।  
अश्च॒तरः॑ । न । प्रेति॑ । जा॒यते॑ । आ॒त्तरे॑ता इत्या॒त्त – रे॒ताः । हि ।  
तस्मा॑त् । बर्॒हिषि॑ । अ॒न॒वक्लृ॒प्त इत्य॒न॒व – क्लृ॒प्तः । सर्व॑वे॒दस  
इति॑ सर्व॑-वे॒दसे॑ । वा । स॒हस्रे॑ । वा । अ॒वक्लृ॒प्त इत्य॒व-क्लृ॒प्तः ।  
अतीति॑ । हि । अ॒प्रव॑त । यः । ए॒वम् । वि॒द्वान् । अ॒ग्नि॒ष्टोमे॒नेत्य॒ग्नि-  
स्तो॒मेन॑ । यज॑ते । प्रेति॑ । अजा॒ताः । प्र॒जा इति॑ प्र-जाः । ज॒नय॑ति ।

परीति॑ । प्र॒जा॒ता॒ इति॑ प्र – जा॒ताः । गृ॒ह्णा॒ति । तस्मा॑त् । आ॒हुः ।

ज्येष्ठ॑यज्ञ इति॑ ज्येष्ठ – य॒ज्ञः । इति॑ । 3 (50)

#### 7.1.1.4

प्र॒जा॒प॒ति॒र्वा॒व ज्येष्ठः॑ स ह्ये॒तेना॒ग्रेऽय॑जत प्र॒जा॒प॒ति॒रका॑मयत प्र  
जा॒ये॒येति॑ स मु॒ख॒तस्त्रि॑वृ॒तं नि॒रमि॑मीत तम॒ग्नि॒र्दे॒वता॑ ऽन्व॒सृ॒ज्यत  
गा॒य॒त्री छ॒न्दो रथ॑न्त॒रꣳ सा॒म ब्रा॒ह्म॒णो म॒नु॒ष्या॒णाम॒जः प॒शूनां॑ तस्मा॑त्  
ते मु॒ख्या मु॒खतो॑ ह्य॒सृ॒ज्यन्तो॑र॒सो बा॒हुभ्यां॑ पञ्च॒दशं॑ नि॒रमि॑मीत  
तमि॒न्द्रो दे॒वता॑ऽन्व॒सृ॒ज्यत त्रि॒ष्टुप् छ॒न्दो बृ॒हथ् – [ ] 4

#### 7.1.1.4 - Padam

प्र॒जा॒प॒ति॒रिति॑ प्र॒जा – प॒तिः । वा॒व । ज्येष्ठः॑ । सः । हि । ए॒तेन॑ ।  
अ॒ग्रे । अ॒य॒जत॑ । प्र॒जा॒प॒ति॒रिति॑ प्र॒जा – प॒तिः । अ॒का॒म॒यत॑ । प्रेति॑ ।  
जा॒ये॒य । इति॑ । सः । मु॒ख॒तः । त्रि॒वृ॒तमि॑ति त्रि – वृ॒तम् । नि॒रिति॑ ।  
अ॒मि॑मीत । तम् । अ॒ग्निः । दे॒वता॑ । अ॒न्वि॑ति । अ॒सृ॒ज्यत॑ । गा॒य॒त्री ।  
छ॒न्दः । रथ॑न्त॒रमि॑ति रथं – त॒रम् । सा॒म । ब्रा॒ह्म॒णः । म॒नु॒ष्या॒णाम् ।  
अ॒जः । प॒शूना॑म् । तस्मा॑त् । ते । मु॒ख्याः । मु॒खतः॑ । हि ।

अ॒सृ॒ज्यन्त॑ । उ॒रसः॑ । बा॒हु॒भ्यामि॑ति बा॒हु – भ्या॒म् । पञ्च॑द॒शमि॑ति  
पञ्च॑ – द॒शम् । नि॒रिति॑ । अ॒मिमी॑त । तम् । इन्द्रः॑ । दे॒वता॑ ।  
अ॒न्विति॑ । अ॒सृ॒ज्यत॑ । त्रि॒ष्टुप् । छन्दः॑ । बृ॒हत् । 4 (50)

#### 7.1.1.5

सा॒म रा॒ज॒न्यो म॒नु॒ष्या॒णाम॑विः प॒शूनां॑ तस्मा॒त् ते वी॒र्या॑वन्तो  
वी॒र्या॑द्ध्य॒सृ॒ज्यन्त॑ म॒ध्यतः॑ स॒प्तद॒शं नि॒रमि॑मीत तं वि॒श्वे दे॒वा दे॒वता॑  
अ॒न्व॒सृ॒ज्यन्त॑ जग॒ती छन्दो॑ वै रू॒पं सा॒म वैश्यो॑ म॒नु॒ष्या॒णां गा॒वः  
प॒शूनां॑ तस्मा॒त् त आ॒द्या अ॒न्न॒धा॒नाद्ध्य॑ सृ॒ज्यन्त॑ तस्मा॒द्-भू॒यां –  
सोऽन्ये॑भ्यो भू॒यिष्ठा॑ हि दे॒वता॑ अ॒न्व॒सृ॒ज्यन्त॑ प॒त्त ए॒कवि॑ं शं  
नि॒रमि॑मीत तम॒नु॒ष्टुप् छन्दो॑ – [ ] 5

#### 7.1.1.5 - Padam

सा॒म । रा॒ज॒न्यः । म॒नु॒ष्या॒णाम् । अ॒विः । प॒शूना॑म् । तस्मा॒त् । ते ।  
वी॒र्या॑वन्त इति वी॒र्य – वन्तः । वी॒र्या॑त् । हि । अ॒सृ॒ज्यन्त॑ । म॒ध्यतः॑ ।  
स॒प्तद॒शमि॑ति स॒प्त – द॒शम् । नि॒रिति॑ । अ॒मिमी॑त । तम् । वि॒श्वे ।  
दे॒वाः । दे॒वताः॑ । अ॒न्विति॑ । अ॒सृ॒ज्यन्त॑ । जग॒ती । छन्दः॑ । वैरू॒पम् ।



साम॑ । वैश्यः॑ । म॒नु॒ष्या॒णाम् । गा॒वः । प॒शूना॑म् । तस्मा॑त् । ते ।  
आ॒द्याः । अ॒न्न॒धा॒नादि॒त्यन्न॑ – धा॒नात् । हि । अ॒सृ॒ज्यन्त॑ । तस्मा॑त् ।  
भू॒या॒ऽसः॑ । अ॒न्येभ्यः॑ । भू॒यिष्ठाः॑ । हि । दे॒वताः॑ । अ॒न्विति॑ ।  
अ॒सृ॒ज्यन्त॑ । प॒त्तः । ए॒क॒वि॒ंश॒मित्ये॑क – वि॒ंश॒म् । नि॒रिति॑ ।  
अ॒मि॒मीत॑ । तम् । अ॒नु॒ष्टु॒बित्य॑नु – स्तुप् । छ॒न्दः । 5 (50)

#### 7.1.1.6

ऽन्व॑सृज्यत वैरा॒ज॒ऽसाम॑ शू॒द्रो म॒नु॒ष्या॒णाम॑श्चः प॒शूनां॑ तस्मा॑त् तौ  
भू॒तसं॑ क्रा॒मि॒णाव॑श्चश्च शू॒द्रश्च॑ तस्मा॑च्छू॒द्रो यज्ञे॑ऽन॒व॒क्लृ॒प्तो न॑ हि  
दे॒वता॑ अ॒न्व॑सृज्यत तस्मा॑त् पा॒दावु॑प जी॒वतः॑ प॒त्तो ह्य॑सृज्येतां प्रा॒णा  
वै त्रि॒वृ॒दर्ध॑मा॒साः प॒ञ्च॒दशः॑ प्र॒जाप॑तिः स॒प्त॒द॒श॒स्त्रय॑ इ॒मे लो॒का  
अ॒सा॒वादि॒त्य ए॒क॒वि॒ंश॒ एत॑स्मिन् वा ए॒ते श्रि॒ता ए॒तस्मिन्॑ प्र॒ति॒ष्ठिता॑  
( ) य ए॒वं वै॒दै॒तस्मिन्ने॒व श्र॑यत ए॒तस्मिन्॑ प्र॒ति ति॑ष्ठति । 6

#### 7.1.1.6 - Padam

अ॒न्विति॑ । अ॒सृ॒ज्यत॑ । वैरा॒जम् । साम॑ । शू॒द्रः । म॒नु॒ष्या॒णाम् ।  
अ॒श्वः । प॒शूना॑म् । तस्मा॑त् । तौ ।

भू॒त॒सङ्क्रा॑मिणा॒विति॑ भू॒त – सङ्क्रा॑मिणौ॑ । अ॒श्वः॑ । च॒ । शू॒द्रः॑ ।  
च॒ । तस्मा॑त् । शू॒द्रः॑ । य॒ज्ञे॑ । अ॒न॒व॒क्लृ॑प्त इत्य॒न॒व – क्लृ॑प्तः । न ।  
हि॒ । दे॒वताः॑ । अ॒न्वि॒ति॑ । अ॒सृ॒ज्य॒त॑ । तस्मा॑त् । पा॒दौ॑ । उ॒पे॒ति॑ ।  
जी॒व॒तः॑ । प॒त्तः॑ । हि॒ । अ॒सृ॒ज्ये॒ताम्॑ । प्रा॒णा इति॑ प्र – अ॒नाः॑ । वै ।  
त्रि॒वृ॒दि॒ति॑ त्रि – वृ॒त् । अ॒र्ध॒मा॒सा इत्य॑र्ध – मा॒साः॑ । पञ्च॒द॒श इति॑  
पञ्च – द॒शः॑ । प्र॒जाप॑तिरिति॒ प्र॒जा – प॑तिः । स॒प्त॒द॒श इति॑  
स॒प्त – द॒शः॑ । त्र॒यः॑ । इ॒मे॑ । लो॒काः॑ । अ॒सौ॑ । आ॒दि॒त्यः॑ ।  
ए॒क॒वि॒ंश॑ इत्ये॒क – वि॒ंशः॑ । ए॒तस्मि॑न् । वै । ए॒ते॑ । श्रि॒ताः॑ ।  
ए॒तस्मि॑न् । प्र॒ति॒ष्ठा॒ इति॑ प्र॒ति – स्थि॑ताः ( ) । यः॑ । ए॒वम्॑ । वे॒द ।  
ए॒तस्मि॑न् । ए॒व । श्र॒य॒ते॑ । ए॒तस्मि॑न् । प्र॒ती॒ति॑ । ति॒ष्ठ॒ति॑ । 6 (59)  
(अ॒स्थू॒रि – रोष॑धीषु – ज्येष्ठ॒य॒ज्ञ इति॑ – बृ॒ह – द॒नु॒ष्टुप् छन्दः॑ –  
प्र॒ति॒ष्ठा॒ – न॒व च॑) (A1)

**7.1.2.1**

प्रातः॑ स॒वने॑ वै गाय॑त्रेण छन्द॑सा त्रिवृ॑ते स्तोमा॑य ज्योति॑र्दध॑देति  
त्रिवृ॑ता ब्रह्म॑वर्च॒सेन॑ पञ्चद॑शाय ज्योति॑र्दध॑देति पञ्चद॑शेनौजसा  
वीर्ये॑ण सप्तद॑शाय ज्योति॑र्दध॑देति सप्तद॑शेन प्राजाप॑त्येन  
प्र॒जन॑नेनैकवि॑ंशाय ज्योति॑र्दध॑देति स्तोम॑ ए॒व तथ् स्तोमा॑य  
ज्योति॑र्दध॑देत्यथो स्तोम॑ ए॒व स्तोम॑मभि प्र ण॑यति यावन्तो॑ वै  
स्तोमा॑स्तावन्तः कामा॑स्तावन्तो लो॒का ( ) –स्ताव॑न्ति  
ज्योती॑ष्येताव॑त ए॒व स्तोमा॑नेताव॑तः कामा॑नेताव॑तो लो॒काने॑ताव॑न्ति  
ज्योती॑ष्यव॑ रुन्धे । 7

**7.1.2.1 - Padam**

प्रा॒तस्स॒वन इति॑ प्रा॒तः – स॒वने॑ । वै । गाय॑त्रेण । छन्द॑सा । त्रिवृ॑त  
इति॑ त्रि – वृ॑ते । स्तोमा॑य । ज्योतिः॑ । दध॑त् । ए॒ति । त्रिवृ॑तेति  
त्रि – वृ॑ता । ब्रह्म॑वर्च॒सेनेति॑ ब्रह्म – वर्च॒सेन॑ । पञ्चद॑शायेति  
पञ्च – द॑शाय । ज्योतिः॑ । दध॑त् । ए॒ति । पञ्चद॑शेनेति  
पञ्च–द॑शेन । ओज॑सा । वीर्ये॑ण । सप्तद॑शायेति सप्त – द॑शाय ।

ज्योतिः॑ । दधत्॑ । एति॑ । सप्तद॑शेनेति॑ सप्त – द॑शेन॑ ।  
प्राजाप॑त्येनेति॑ प्राजा – प॑त्येन॑ । प्रजन॑नेनेति॑ प्र – जन॑नेन॑ ।  
एकवि॑ंशयेत्येक॑ – वि॑ंशाय॑ । ज्योतिः॑ । दधत्॑ । एति॑ । स्तोमः॑ ।  
एव॑ । तत् । स्तोमा॑य । ज्योतिः॑ । दधत्॑ । एति॑ । अथो॑ इति॑ ।  
स्तोमे॑ । एव॑ । स्तोम॑म् । अभि॑ । प्रेति॑ । नयति॑ । यावन्तः॑ । वै ।  
स्तोमाः॑ । तावन्तः॑ । कामाः॑ । तावन्तः॑ । लोकाः॑ ( ) । तावन्ति॑ ।  
ज्योती॑षि । एता॑वतः॑ । एव॑ । स्तोमा॑न् । एता॑वतः॑ । कामा॑न् ।  
एता॑वतः॑ । लोका॑न् । एता॑वन्ति॑ । ज्योती॑षि । अवेति॑ ।

रुन्धे॑ । 7 (63) (ताव॑न्तो लो॒का – स्त्रयो॑दश च) (A2)

### 7.1.3.1

ब्रह्म॑वादिनो॑ वदन्ति॑ स त्वै॑ यजेत॑ योऽग्नि॑ष्टोमेन॑ यज॑मानोऽथ॑  
सर्व॑स्तोमेन॑ यजे॑तेति॑ यस्य॑ त्रिवृ॑तमन्तर्य॑न्ति प्राणा॑-स्तस्यान्तर्य॑न्ति  
प्रा॒णेषु॑ मेऽप्य॑स॒दिति॑ खलु॒ वै य॒ज्ञेन॑ यज॑मानो॑ यज॑ते॒ यस्य॑

पञ्चदशमन्तर्यन्ति वीर्यं तस्यान्तर्यन्ति वीर्यं मेऽप्यसदिति खलु वै  
यज्ञेन यजमानो यजते यस्य सप्तदश-मन्तर्यन्ति – [ ] 8

**7.1.3.1 - Padam**

ब्रह्मवादिन इति ब्रह्म – वादिनः । वदन्ति । सः । तु । वै । यजेत ।  
यः । अग्निष्टोमेनेत्यग्नि – स्तोमेन । यजमानः । अथ ।  
सर्वस्तोमेनेति सर्व – स्तोमेन । यजेत । इति । यस्य । त्रिवृतमिति  
त्रि – वृतम् । अन्तर्यन्तीत्यन्तः – यन्ति । प्राणानिति प्र – अनान् ।  
तस्य । अन्तः । यन्ति । प्राणेष्विति प्र – अनेषु । मे । अपीति ।  
असत् । इति । खलु । वै । यज्ञेन । यजमानः । यजते । यस्य ।  
पञ्चदशमिति पञ्च – दशम् । अन्तर्यन्तीत्यन्तः – यन्ति । वीर्यम् ।  
तस्य । अन्तः । यन्ति । वीर्यं । मे । अपीति । असत् । इति ।  
खलु । वै । यज्ञेन । यजमानः । यजते । यस्य । सप्तदशमिति  
सप्त – दशम् । अन्तर्यन्तीत्यन्तः – यन्ति । 8 (50)

**7.1.3.2**

प्र॒जां तस्या॑न्तर्य॑न्ति प्र॒जायां मे॑ऽप्यस॑दिति खलु॒ वै यज्ञे॑न यज॑मानो  
यज॑ते यस्यै॒कवि॑ंशमन्तर्य॑न्ति प्रति॑ष्ठां तस्या॑न्तर्य॑न्ति प्रति॑ष्ठायां  
मे॑ऽप्यस॑दिति खलु॒ वै यज्ञे॑न यज॑मानो यज॑ते यस्य  
त्रि॒णव॑मन्तर्य॑न्त्यृतू॑श्च तस्य॑ नक्ष॑त्रियां च वि॒राज॑मन्तर्य॑न्त्यृतु॑षु  
मे॑ऽप्यसन्नक्ष॑त्रियायां च वि॒राजी॑ति – [ ] 9

**7.1.3.2 - Padam**

प्र॒जामि॑ति प्र – जा॒म् । तस्य॑ । अन्तः॑ । यन्ति॑ । प्र॒जायामि॑ति  
प्र – जा॒याम् । मे॑ । अपी॑ति । अ॒सत् । इति॑ । खलु॒ । वै । यज्ञे॑न ।  
यज॑मानः । यज॑ते । यस्य॑ । ए॒कवि॑ंशमित्ये॒क – वि॒ंशम् ।  
अन्तर्य॑न्तित्यन्तः – यन्ति॑ । प्रति॑ष्ठामिति प्रति – स्था॒म् । तस्य॑ ।  
अन्तः॑ । यन्ति॑ । प्रति॑ष्ठायामिति प्रति – स्था॒याम् । मे॑ । अपी॑ति ।  
अ॒सत् । इति॑ । खलु॒ । वै । यज्ञे॑न । यज॑मानः । यज॑ते । यस्य॑ ।  
त्रि॒णव॑मिति त्रि – न॒वम् । अन्तर्य॑न्तीत्यन्तः – यन्ति॑ । ऋ॒तून् । च ।  
तस्य॑ । नक्ष॑त्रियाम् । च । वि॒राज॑मिति वि-राज॑म् । अन्तः॑ । यन्ति॑ ।

ऋ॒तुषु॑ । मे॒ । अपी॑ति । अ॒सत् । नक्ष॑त्रिया॒याम् । च॒ । वि॒राजी॑ति  
वि – राजि॑ । इति॑ । 9 (50)

### 7.1.3.3

खलु॑ वै य॒ज्ञेन॑ यज॒मानो॑ यज॒ते यस्य॑ त्रयस्त्रि॒ंशम॑न्तर्यन्ति  
दे॒वता॑स्तस्यान्तर्यन्ति दे॒वता॑सु मेऽप्य॑सदिति खलु॑ वै य॒ज्ञेन॑ यज॒मानो॑  
यज॒ते यो वै॑ स्तो॒माना॑मवमं॒ पर॒मतां॑ गच्छन्तं॒ वेद॑ पर॒मता॑मेव गच्छति  
त्रिवृ॑द्वै स्तो॒माना॑मवमस्त्रिवृ॒त् पर॒मो य॒ एवं॑ वेद॑ पर॒मता॑मेव गच्छति । 10

### 7.1.3.3 - Padam

खलु॑ । वै । य॒ज्ञेन॑ । यज॒मानः॑ । यज॒ते । यस्य॑ । त्रयस्त्रि॒ंशमि॑ति  
त्रयः॑ – त्रि॒ंशम् । अन्तर्य॑न्तित्यन्तः – यन्ति॑ । दे॒वताः॑ । तस्य॑ ।  
अन्तः॑ । यन्ति॑ । दे॒वता॑सु । मे॒ । अपी॑ति । अ॒सत् । इति॑ । खलु॑ ।  
वै । य॒ज्ञेन॑ । यज॒मानः॑ । यज॒ते । यः॑ । वै । स्तो॒माना॑म् । अव॒मम् ।  
पर॒मता॑म् । गच्छ॑न्तम् । वेद॑ । पर॒मता॑म् । ए॒व । गच्छ॑ति । त्रि॒वृदि॑ति  
त्रि – वृ॒त् । वै । स्तो॒माना॑म् । अव॒मः । त्रि॒वृदि॑ति त्रि – वृ॒त ।  
पर॒मः । यः॑ । ए॒वम् । वेद॑ । पर॒मता॑म् । ए॒व । गच्छ॑ति । 10 (44)

(सप्तदशमन्तर्यन्ति – विराजीति – चतुश्चत्वारिंशच्च) (A3)

**7.1.4.1**

अङ्गिर॑सो॒ वै स॒त्रमा॑सत॒ ते सु॒वर्गं॑ लो॒कमा॑यन् तेषां॑ ह॒विष्मा॑ञ्च  
ह॒विष्कृ॑च्चाऽहीयेतां॑ ताव॒काम॑येताञ् सु॒वर्गं॑ लो॒कमि॑यावेति तावेतं  
द्विरा॒त्रम॑पश्यतां॑ तमाऽह॒रतां॑ तेना॒यजे॑तां ततो॒ वै तौ सु॒वर्गं॑ लो॒कमै॑तां  
य॒ एवं वि॒द्वान् द्वि॒रात्रे॑ण यज॑ते सु॒वर्गमे॒व लो॒कमे॑ति तावैतां  
पूर्वे॑णा॒ह्ना ऽग॑च्छतामु॒त्तरे॑णा – [ ] 11

**7.1.4.1 - Padam**

अङ्गि॑रसः । वै । स॒त्रम् । आ॒सत॒ । ते । सु॒वर्गमि॑ति सुवः – गम् ।  
लो॒कम् । आ॒यन् । तेषा॑म् । ह॒विष्मा॑न् । च । ह॒विष्कृ॑दिति  
हविः – कृत् । च । अ॒हीये॑ताम् । तौ । अ॒काम॑येताम् । सु॒वर्गमि॑ति  
सुवः – गम् । लो॒कम् । इ॒याव॒ । इति॑ । तौ । ए॒तम् । द्वि॒रात्रमि॑ति  
द्वि – रा॒त्रम् । अ॒पश्य॑ताम् । तम् । ए॒ति । अ॒हर॑ताम् । तेन॑ ।  
अ॒यजे॑ताम् । ततः॑ । वै । तौ । सु॒वर्गमि॑ति सुवः – गम् । लो॒कम् ।  
ऐ॒ताम् । यः । ए॒वम् । वि॒द्वान् । द्वि॒रात्रे॑णेति द्वि – रा॒त्रेण॑ । यज॑ते ।



सुव॑र्गमि॒ति सुवः॑ – गम् । ए॒व । लो॒कम् । ए॒ति । तौ । ऐता॑म् ।  
पूर्वे॑ण । अ॒ह्ना । अ॒गच्छ॑ताम् । उत्त॑रेणे॒त्युत् – त॒रेण॑ । 11 (50)

#### 7.1.4.2

–भि॒प्लवः॑ पूर्व॑मह॑र्भवति॒ गति॑रुत्तरं॒ ज्योति॑ष्ठोमोऽग्नि॑ष्ठोमः॒ पूर्व॑मह॑र्भवति॒  
तेज॑स्तेना॒व रु॒न्धे । सर्व॑स्तोमोऽति॑रात्र उत्तरं॒ सर्व॑स्याऽऽप॑त्यै  
सर्व॑स्याऽवरु॑द्ध्यै गाय॑त्रं पूर्व॑ह॒न्त्साम॑ भवति॒ तेजो॑ वै गाय॑त्री गाय॑त्री  
ब्र॒ह्मव॑र्चसं तेज॑ ए॒व ब्र॒ह्मव॑र्चसमा॒त्मन् ध॑त्ते त्रै॒ष्टुभ॑मुत्तर॒ ओजो॑ वै वी॒र्यं  
त्रि॒ष्टुगो॑ज ए॒व वी॒र्यमा॒त्मन् ध॑त्ते रथं॒तरं पूर्व॑ – [ ] 12

#### 7.1.4.2 - Padam

अभि॑प्लव इत्य॑भि – प्लवः॑ । पूर्व॑म् । अ॒हः । भ॒वति॑ । गतिः॑ ।  
उत्त॑रमित्युत् – त॒रम् । ज्योति॑ष्ठोम इति॒ ज्योति॑ – स्तोमः॑ ।  
अ॒ग्निष्ठो॑म इत्य॑ग्नि–स्तोमः॑ । पूर्व॑म् । अ॒हः । भ॒वति॑ । तेजः॑ । तेन॑ ।  
अवे॑ति । रु॒न्धे । सर्व॑स्तोम इति॒ सर्व॑–स्तोमः॑ । अ॒तिरा॑त्र  
इत्य॑ति–रात्रः॑ । उत्त॑रमित्युत् – त॒रम् । सर्व॑स्य । आ॒प॒त्यै । सर्व॑स्य ।  
अ॒वरु॑द्ध्या इत्य॑व – रु॒द्ध्यै । गाय॑त्रम् । पूर्व॑म् । अ॒हन् । साम॑ ।

भवति । तेजः । वै । गायत्री । गायत्री । ब्रह्मवर्चसमिति  
 ब्रह्म – वर्चसम् । तेजः । एव । ब्रह्मवर्चसमिति ब्रह्म – वर्चसम् ।  
 आत्मन् । धत्ते । त्रैष्टुभम् । उत्तर इत्युत् – तरे । ओजः । वै ।  
 वीर्यम् । त्रिष्टुक् । ओजः । एव । वीर्यम् । आत्मन् । धत्ते ।  
 रथन्तरमिति रथं – तरम् । पूर्वे । 12 (50)

#### 7.1.4.3

ऽहन्थ् साम भवतीयं वै रथन्तरमस्यामेव प्रति तिष्ठति बृहदुत्तरेऽसौ वै  
 बृहदमुष्यामेव प्रति तिष्ठति तदाहुः क्व जगती चाऽनुष्टुप् चेति  
 वैखानसं पूर्वेऽहन्थ् साम भवति तेन जगत्यै नैति षोडश्युत्तरे  
 तेनानुष्टुभोऽथा ऽऽ\*हुर्यथ् समानेऽर्धमासे स्याता-मन्यतरस्याहो  
 वीर्यमनु ( ) पद्येतेत्य-मावास्यायां पूर्वमह-र्भवत्युत्तरस्मि-न्नुत्तरं  
 नानैवा ऽर्धमासयोर्भवतो नानावीर्ये भवतो हविष्मन्निधनं पूर्वमहर्भवति  
 हविष्कृन्निधन-मुत्तरं प्रतिष्ठित्यै । 13

**7.1.4.3 - Padam**

अ॒हन् । सा॒म । भ॒वति॑ । इ॒यम् । वै । र॒थन्त॑रमि॒ति र॒थं – त॒रम् ।  
अ॒स्याम् । ए॒व । प्र॒तीति॑ । ति॒ष्ठति॑ । बृ॒हत् । उ॒त्तर॑ इत्युत् – त॒रे ।  
अ॒सौ । वै । बृ॒हत् । अ॒मुष्या॑म् । ए॒व । प्र॒तीति॑ । ति॒ष्ठति॑ । तत् ।  
आ॒हुः । क्व । ज॒गती॑ । च । अ॒नुष्टु॑बित्यनु – स्तुप् । च । इति॑ ।  
वै॒खान॑सम् । पूर्वे॑ । अ॒हन् । सा॒म । भ॒वति॑ । तेन॑ । ज॒गत्यै॑ । न ।  
ए॒ति । षो॒डशि॑ । उ॒त्तर॑ इत्युत् – त॒रे । तेन॑ । अ॒नुष्टु॑भ इत्यनु –  
स्तु॒भः । अथ॑ । आ॒हुः । यत् । स॒माने॑ । अ॒र्धमा॑स इत्य॒र्ध – मा॒से ।  
स्या॒ताम् । अ॒न्यतर॑स्य । अ॒हः । वी॒र्य॑म् । अ॒न्विति॑ ( ) । प॒द्येत॑ ।  
इति॑ । अ॒मावा॑स्याया॒मित्य॑मा – वा॒स्यायाम् । पूर्वे॑म् । अ॒हः । भ॒वति॑ ।  
उ॒त्तर॑स्मि॒न्नित्युत् – त॒रस्मि॑न् । उ॒त्तर॑मित्युत् – त॒रम् । ना॒ना । ए॒व ।  
अ॒र्धमा॑सयो॒रित्य॑र्ध – मा॒सयोः॑ । भ॒वतः॑ । ना॒नावी॑र्ये इति॑  
ना॒ना – वी॒र्ये॑ । भ॒वतः॑ । ह॒विष्म॑न्नि॒धन॑मि॒ति ह॒विष्म॑त् – नि॒धन॑म् ।  
पूर्वे॑म् । अ॒हः । भ॒वति॑ । ह॒विष्कृ॑न्नि॒धन॑मि॒ति ह॒विष्कृ॑त् – नि॒धन॑म् ।

उत्तर॑मित्युत् – तर॒म् । प्रति॑ष्ठित्या इति॑ प्रति – स्थि॒त्यै । 13 (71)

(उत्तरे॑ण – रथ॒न्तरं॑ पूर्वे – ऽन्वे – कवि॑ऽशतिश्च) (A4)

#### 7.1.5.1

आपो॑ वा इ॒दम॑ग्रे सलिल॑मासीत् तस्मिन् प्रजा॑पति-वा॒युर्भू॒त्वा ऽच॑रत्  
स इ॒माम॑पश्यत् तां व॑राहो भू॒त्वाऽह॑रत् तां वि॒श्वकर्मा॑ भू॒त्वा व्य॑मा॒दृत्  
साऽप्र॑थत सा पृथि॒व्यभ॑वत् तत् पृथि॒व्यै पृथि॒वित्वं॑ तस्या॑मश्राम्यत्  
प्रजा॑पतिः स दे॒वान॑सृजत वसू॑न् रु॒द्राना॑दित्यान् ते दे॒वाः  
प्रजा॑पतिमब्रुवन् प्रजा॑यामहा इति॑ सोऽब्र॑वीद् – [ ] 14

#### 7.1.5.1 - Padam

आपः॑ । वै । इ॒दम् । अ॒ग्रे । स॒लिल॑म् । आ॒सीत् । तस्मिन् ।  
प्रजा॑पतिरिति॑ प्रजा – पतिः । वा॒युः । भू॒त्वा । अ॒चर॑त् । सः ।  
इ॒माम् । अ॒पश्य॑त् । ताम् । व॒राहः । भू॒त्वा । ए॒ति । अ॒हर॑त् । ताम् ।  
वि॒श्वकर्मे॑ति वि॒श्व-कर्मा॑ । भू॒त्वा । वी॒ति । अ॒मा॒दृत् । सा । अ॒प्रथ॑त ।  
सा । पृथि॒वी । अ॒भव॑त् । तत् । पृथि॒व्यै । पृथि॒वित्वमि॑ति  
पृथि॒वि – त्वम् । तस्या॑म् । अ॒श्राम्य॑त् । प्रजा॑पतिरिति॑ प्रजा-पतिः ।

सः । दे॒वान् । अ॒सृ॒ज॒त । व॒सून् । रु॒द्रान् । आ॒दि॒त्यान् । ते । दे॒वाः ।  
प्र॒जा॒प॒ति॒मि॒ति प्र॒जा – प॒तिम् । अ॒ब्रु॒व॒न् । प्रे॒ति । जा॒याम॑है । इति॑ ।  
सः । अ॒ब्र॒वीत् । 14 (50)

### 7.1.5.2

–यथा॑ऽहं॑ यु॒ष्मा॒स्तप॑सा ऽसृ॒क्ष्ये॒वं तप॑सि प्र॒जन॑न–मि॒च्छ॒ध्वमि॒ति  
ते॒भ्योऽग्नि॑मा॒यत॑नं प्रा॒यच्छ॑दे॒तेना॑ऽऽ\*य॒तने॑न श्राम्य॑तेति  
॥ ते॒ऽग्नि॑नाऽऽ\*य॒तने॑नाऽ–श्राम्य॑न् ते स॑व॒त्स॒र ए॒कां गा॑मसृजन्त तां  
व॒सु॒भ्यो रु॒द्रे॒भ्य आ॒दि॒त्ये॒भ्यः प्रा॒यच्छ॑न्ने॒तां र॑क्ष॒ध्वमि॒ति तां  
व॒स॒वो रु॒द्रा आ॒दि॒त्या अ॑रक्षन्त सा व॒सु॒भ्यो रु॒द्रे॒भ्य आ॒दि॒त्ये॒भ्यः  
प्राजा॑यत त्रीणि च – [ ] 15

### 7.1.5.2 - Padam

यथा॑ । अ॒हम् । यु॒ष्मान् । तप॑सा । अ॒सृ॒क्षि । ए॒वम् । तप॑सि ।  
प्र॒जन॑नमि॒ति प्र – ज॑ननम् । इ॒च्छ॒ध्वम् । इति॑ । ते॒भ्यः । अ॒ग्निम् ।  
आ॒य॒त॒न॒मि॒त्या – य॑तनम् । प्रे॒ति । अ॒यच्छ॑त् । ए॒तेन॑ । आ॒य॒त॒ने॒ने॒त्या  
– य॑तनेन । श्राम्य॑त । इति॑ । ते । अ॒ग्नि॑ना । आ॒य॒त॒ने॒ने॒त्या–य॑तनेन ।

अ॒श्रा॒म्यन् । ते । सँ॒व॒त्स॒र इति॑ सं – व॒त्स॒रे । ए॒का॒म् । गा॒म् ।  
अ॒सृ॒जन्त॑ । ता॒म् । व॒सु॒भ्य इति॑ व॒सु – भ्यः॑ । रु॒द्रे॒भ्यः॑ ।  
आ॒दि॒त्ये॒भ्यः॑ । प्रेति॑ । अ॒य॒च्छन् । ए॒ता॒म् । र॒क्ष॒ध्वम् । इति॑ । ता॒म् ।  
व॒स॒वः । रु॒द्राः । आ॒दि॒त्याः । अ॒रक्ष॑न्त । सा । व॒सु॒भ्य इति॑  
व॒सु – भ्यः॑ । रु॒द्रे॒भ्यः॑ । आ॒दि॒त्ये॒भ्यः॑ । प्रेति॑ । अ॒जा॒यत॑ ।  
त्री॒णि । च । 15 (50)

### 7.1.5.3

श॒ता॒नि त्र॒यस्त्रिं॑श॒तं चाथ॑ सै॒व स॒ह॒स्र॒त॒म्य॒भ॒वत् ते॑ दे॒वाः  
प्र॒जा॒प॒ति॒म॒ब्रु॒वन्थ् स॒ह॒स्रे॒ण नो॑ या॒जये॑ति सोऽग्नि॑ष्टो॒मेन॑ व॒सू॒नया॑ज॒यत्  
त इ॒मं लो॒कम॑ज॒यन् तच्चा॑ददुः स उ॒क्थ्ये॑न रु॒द्रान॑या॒जय॑त्  
तेऽन्त॑रि॒क्षम॑ज॒यन् तच्चा॑ददुः सोऽति॑रा॒त्रेणा॑ऽऽदि॒त्या॒नया॑ज॒यत् तेऽमुं॑  
लो॒कम॑ज॒यन् तच्चा॑ददुः – स्तद॑न्त॒रि॒क्षं – [ ] 16

### 7.1.5.3 - Padam

श॒ता॒नि । त्र॒यस्त्रिं॑श॒तमि॑ति त्र॒यः – त्रिं॑श॒तम् । च । अथ॑ । सा ।  
ए॒व । स॒ह॒स्र॒त॒मीति॑ स॒ह॒स्र – त॒मी । अ॒भ॒वत् । ते । दे॒वाः ।

प्रजा॑पति॑मिति॑ प्रजा – पति॑म् । अब्रु॑वन् । सह॑स्रेण । नः । याज॑य ।  
 इति॑ । सः । अ॒ग्नि॒ष्टोमे॑नेत्य॒ग्नि-स्तो॑मेन । वसू॑न् । अयाज॑यत् । ते ।  
 इम॑म् । लो॒कम् । अज॑यन् । तत् । च । अद॑दुः । सः । उक्थ्ये॑न ।  
 रुद्रा॑न् । अयाज॑यत् । ते । अन्तरि॑क्षम् । अज॑यन् । तत् । च ।  
 अद॑दुः । सः । अति॑रात्रेणे॒त्यति – रात्रे॑ण । आदि॑त्यान् । अयाज॑यत् ।  
 ते । अमु॑म् । लो॒कम् । अज॑यन् । तत् । च । अद॑दुः । तत् ।  
 अन्तरि॑क्षम् । 16 (50)

#### 7.1.5.4

व्यवैर्य॑त तस्मा॑द्-रुद्रा॑ घातु॑का अनाय॑तना हि तस्मा॑दाहुः शिथि॑लं वै  
 मध्य॑म-मह॑स्त्रिरात्र॑स्य वि हि तदवैर्य॑तेति॑ त्रैष्टु॑भं मध्य॑मस्याह  
 आज्यं॑ भवति सँयाना॑नि सूक्ता॑नि श॒सति॑ षोड॒शिन॑ ॒ श॒सत्य॑हो  
 धृत्या॑ अशिथि॑लंभावाय॑ तस्मा॑त् त्रिरात्र॑स्याग्नि॒ष्टोम॑ एव प्रथ॑ममहः  
 स्यादथो॑क्थ्यो ऽथाऽति॑रात्र एषां॑ लो॒कानां॑ वि॒धृत्यै॑ त्रीणि॑ त्रीणि  
 शता॑-न्यनू॑चीनाह-मव्यव॑च्छिन्नानि ददा – [ ] 17

**7.1.5.4 - Padam**

व्यवैर्यतेति वि – अवैर्यत । तस्मात् । रुद्राः । घातुकाः । अनायतना  
इत्यना – यतनाः । हि । तस्मात् । आहुः । शिथिलम् । वै ।  
मध्यमम् । अहः । त्रिरात्रस्येति त्रि – रात्रस्य । वीति । हि । तत् ।  
अवैर्यतेत्यव – ऐर्यत । इति । त्रैष्टुभम् । मध्यमस्य । अहः ।  
आज्यम् । भवति । सँयानानिति सम् – यानानि । सूक्तानीति  
सु – उक्तानि । शञ्सति । षोडशिनम् । शञ्सति । अहः । धृत्यै ।  
अशिथिलम्भावायेत्यशिथिलं – भावाय । तस्मात् । त्रिरात्रस्येति  
त्रि – रात्रस्य । अग्निष्टोम इत्यग्नि – स्तोमः । एव । प्रथमम् ।  
अहः । स्यात् । अथ । उक्थ्यः । अथ । अतिरात्र इत्यति – रात्रः ।  
एषाम् । लोकानाम् । विधृत्या इति वि – धृत्यै । त्रीणित्रीणीति  
त्रीणि – त्रीणि । शतानि । अनूचीनाहमित्यनूचीन – अहम् ।  
अव्यवच्छिन्नानीत्यवि – अवच्छिन्नानि । ददाति । 17 (50)



**7.1.5.5**

– त्पे॒षां लो॒का॒ना॒म॒नु॒ स॒न्त॒त्यै॑ द॒श॒तं॑ न वि॒च्छि॒न्धाद्–वि॒राजं॑  
ने॒द्वि॒च्छि॒न॒दा॒नी॒त्यथ॑ या स॒ह॒स्र॒त॒म्या॒सीत् तस्या॒मिन्द्र॑श्च वि॒ष्णुश्च॑  
व्याय॑च्छे॒ताꣳ स इन्द्रो॑ऽम॒न्य॒ता॒नया॑ वा इ॒दं वि॒ष्णुः स॒ह॒स्रं व॑क्ष्य॒त  
इति॑ तस्या॒म॒क॒ल्पे॒तां द्वि॒भा॒ग इन्द्र॑स्तृ॒तीये॑ वि॒ष्णुस्त॒द्वा ए॒षाऽभ्य॑नूच्य॒त  
उ॒भा जि॒ग्यथु॑रिति॒ तां वा॑ ए॒ताम॑च्छा॒वाक – [ ] 18

**7.1.5.5 - Padam**

ए॒षाम् । लो॒का॒ना॒म् । अ॒न्वि॒ति॑ । स॒न्त॒त्या इति॑ सं – त॒त्यै॑ । द॒श॒तम् ।  
न । वी॒ति॑ । छि॒न्धात् । वि॒राज॑मि॒ति वि – रा॒जम् । न । इत् ।  
वि॒च्छि॒न॒दा॒नी॒ति वि – छि॒न॒दा॒नि । इति॑ । अथ॑ । या । स॒ह॒स्र॒त॒मी॒ति  
स॒ह॒स्र – त॒मी॑ । आ॒सीत् । तस्या॑म् । इन्द्रः॑ । च । वि॒ष्णुः । च ।  
व्याय॑च्छे॒ता॒मि॒ति वि – आ॒य॒च्छे॒ता॒म् । सः । इन्द्रः॑ । अ॒म॒न्य॒त ।  
अ॒नया॑ । वै । इ॒दम् । वि॒ष्णुः । स॒ह॒स्रम् । व॑क्ष्य॒ते । इति॑ । तस्या॑म् ।  
अ॒क॒ल्पे॒ता॒म् । द्वि॒भा॒ग इति॑ द्वि – भा॒गे । इन्द्रः॑ । तृ॒तीये॑ । वि॒ष्णुः ।

तत् । वै । एषा । अभ्यनूच्यत इत्यभि-अनूच्यते । उभा । जिग्यथुः ।  
इति । ताम् । वै । एताम् । अच्छावाकः । 18 (50)

#### 7.1.5.6

एव श॒सत्यथ॑ या सहस्रतमी॑ सा होत्रे॑ देयेति॑ होतारं॑ वा  
अभ्यतिरिच्यते॑ यदतिरिच्यते॑ होता॑ ऽनाप्तस्याऽऽपयिता॑ ऽथाऽहु॑रुन्नेत्रे॑  
देयेत्यतिरिक्ता॑ वा एषा॑ सहस्रस्यातिरिक्त॑ उन्नेत॑र्त्विजामथाऽहुः॑  
सर्वेभ्यः॑ सदस्येभ्यो॑ देयेत्यथाऽहु॑रुदा कृत्या॑ सा वशं॑  
चरेदित्यथाऽहु॑र्ब्रह्मणे॑ चाग्नीधे॑ च देयेति॑ – [ ] 19

#### 7.1.5.6 - Padam

एव । श॒सति॑ । अथ॑ । या । सहस्रतमीति॑ सहस्र – तमी । सा ।  
होत्रे॑ । देया॑ । इति॑ । होतारम् । वै । अभ्यतिरिच्यत इत्यभि-  
अतिरिच्यते॑ । यत् । अतिरिच्यत इत्यति – रिच्यते॑ । होता॑ ।  
अनाप्तस्य॑ । आपयिता॑ । अथ॑ । आहुः॑ । उन्नेत्र इत्युत् – नेत्रे॑ ।  
देया॑ । इति॑ । अतिरिक्तेत्यति – रिक्ता॑ । वै । एषा॑ । सहस्रस्य॑ ।  
अतिरिक्त इत्यति – रिक्तः॑ । उन्नेतेत्युत् – नेता॑ । ऋत्विजाम् ।

अथ॑ । आ॒हुः॑ । सर्वे॑भ्यः । सदस्ये॑भ्यः । देया॑ । इति॑ । अथ॑ ।  
आ॒हुः॑ । उ॒दाकृ॑त्येत्युत् – आ॒कृ॒त्या॑ । सा । व॒शम् । च॒रेत् । इति॑ ।  
अथ॑ । आ॒हुः॑ । ब्र॒ह्म॒णो॑ । च । अ॒ग्नी॒ध इत्य॑ग्नि – इ॒धे॑ । च । देया॑ ।  
इति॑ । 19 (50)

### 7.1.5.7

द्वि॒भा॒गं ब्र॒ह्म॒णो तृ॒ती॒यम॒ग्नी॒ध ऐ॒न्द्रो वै ब्र॒ह्मा वै॒ष्ण॒वोऽग्नी॒द्यथै॒व  
ता॒वक॒ल्पे॒तामि॒त्यथा॑ ऽऽ\*हु॒र्या क॒ल्या॒णी ब॒हुरू॒पा सा दे॒येत्य॑था  
ऽऽ\*हु॒र्या द्वि॒रूपो॒भय॑त ए॒नी सा दे॒येति॑ स॒हस्र॑स्य प॒रिगृ॑हीत्यै त॒द्वा  
ए॒तत् स॒हस्र॑स्याऽय॒नं स॒हस्रं॑ स्तो॒त्रीयाः स॒हस्रं॑ दक्षि॒णाः  
स॒हस्र॑स॒मि॒तः सु॒वर्गा लो॒कः सु॒वर्ग॑स्य लो॒कस्या॑भिजित्यै । 20

### 7.1.5.7 - Padam

द्वि॒भा॒गमि॒ति द्वि – भा॒गम् । ब्र॒ह्म॒णो॑ । तृ॒ती॒यम् । अ॒ग्नी॒ध इत्य॑ग्नि –  
इ॒धे॑ । ऐ॒न्द्रः । वै । ब्र॒ह्मा । वै॒ष्ण॒वः । अ॒ग्नी॒दित्य॑ग्नि – इत् । यथा॑ ।  
ए॒व । तौ । अ॒क॒ल्पे॒ताम् । इति॑ । अथ॑ । आ॒हुः॑ । या । क॒ल्या॒णी ।  
ब॒हुरू॒पेति॑ बहु – रू॒पा । सा । देया॑ । इति॑ । अथ॑ । आ॒हुः॑ । या ।

द्विरू॒पेति॑ द्वि – रू॒पा । उ॒भय॑त ए॒नीत्यु॑भयतः – ए॒नी । सा । दे॒या॑ ।  
 इति॑ । स॒हस्र॑स्य । परि॑गृहीत्या इति॑ परि॒-गृ॑हीत्यै । तत् । वै । ए॒तत् ।  
 स॒हस्र॑स्य । अ॒यन॑म् । स॒हस्र॑म् । स्तो॒त्रीयाः॑ । स॒हस्र॑म् । दक्षि॑णाः ।  
 स॒हस्र॑सं॒मित इति॑ स॒हस्र॑ – सं॒मितः॑ । सु॒वर्ग॑ इति॑ सु॒वः – गः॑ ।  
 लो॒कः । सु॒वर्ग॑स्येति॑ सु॒वः – ग॒स्य । लो॒क॑स्य । अ॒भिजि॑त्या  
 इत्य॑भि – जि॒त्यै । 20 (47) (अ॒ब्रवी॑ – च्च – तद॑न्तरि॒क्षं – ददा॑त्य  
 – च्छा॒वाक॑ – श्च दे॒येति॑ – स॒प्तच॑त्वारि॒ंशच्च॑) (A5)

### 7.1.6.1

सो॒मो वै स॒हस्र॑मवि॒न्दत् तमि॑न्द्रो ऽन्ववि॒न्दत् तौ य॒मो न्या॑गच्छत्  
 ताव॑ब्रवी॒दस्तु॑ मेऽन्नाऽपी॒त्यस्तु॑ ही(३) इत्य॑ब्रू॒ताꣳ स य॒म ए॒कस्यां॑  
 वी॒र्यं॑ पर्य॑पश्य॒दियं॑ वा अ॒स्य स॒हस्र॑स्य वी॒र्यं॑ बि॒भर्ती॑ति  
 ताव॑ब्रवी॒दियं॑ ममा॒स्त्वेतद्-यु॒वयो॑रिति॑ ताव॑ब्रू॒ताꣳ सर्वे॑ वा  
 ए॒तदे॒तस्यां॑ वी॒र्यं॑ – [ ] 21

**7.1.6.1 - Padam**

सोमः॑ । वै । सहस्र॑म् । अ॒वि॒न्द॒त् । तम् । इन्द्रः॑ । अ॒न्वि॒ति॑ ।  
अ॒न्वि॒न्द॒त् । तौ । यमः॑ । न्यागच्छ॑दिति नि – आगच्छ॑त् । तौ ।  
अब्रू॑त् । अस्तु॑ । मे॒ । अत्र॑ । अपी॑ति । इति॑ । अस्तु॑ । ही(३) ।  
इति॑ । अब्रू॑ताम् । सः । यमः॑ । एक॑स्याम् । वीर्य॑म् । परी॑ति ।  
अपश्य॑त् । इयम् । वै । अस्य॑ । सहस्र॑स्य । वीर्य॑म् । बिभर्ति॑ । इति॑ ।  
तौ । अब्रू॑त् । इयम् । मम॑ । अस्तु॑ । एतत् । युवयोः॑ । इति॑ । तौ ।  
अब्रू॑ताम् । सर्वे॑ । वै । एतत् । एतस्या॑म् । वीर्य॑म् । 21 (50)

**7.1.6.2**

परि पश्यामोऽश्र॑मा ह॒राम॑हा इति॑ तस्याम॑श्र॒माऽहर॑न्त ताम॒प्सु  
प्राऽवै॑शयन्थ् सोमा॑योदेहीति॑ सा रोहि॑णी पिङ्ग॒लैक॑हायनी रूपं कृ॒त्वा  
त्रय॑स्त्रि॒शता॑ च त्रिभिश्च॑ शतैः सहोदैत् तस्माद्-रोहि॑ण्या  
पिङ्ग॒लैक॑हायन्या सोमं॑ क्रीणीयाद्य॒ एवं वि॒द्वान् रोहि॑ण्या  
पिङ्ग॒लैक॑हायन्या सोमं॑ क्रीणाति॒ त्रय॑स्त्रि॒शता॑ चैवास्य॑  
त्रिभिश्च॑ – [ ] 22

**7.1.6.2 - Padam**

परी॑ति । प॒श्यामः॑ । अ॒ञ्श॑म् । ए॒ति । ह॒राम॑है । इ॒ति । तस्या॑म् ।  
अ॒ञ्श॑म् । ए॒ति । अ॒हर॑न्त । ताम् । अ॒प्स्वि॑त्यप् – सु । प्रे॑ति ।  
अ॒वे॒शय॑न् । सो॒माय॑ । उ॒दे॒ही॒त्युत् – ए॒हि । इ॒ति । सा । रो॒हि॒णी ।  
पि॒ङ्ग॒ला । ए॒क॒हाय॑नीत्ये॒क – हा॒यनी॑ । रू॒पम् । कृ॒त्वा ।  
त्रय॑स्त्रि॒ञ्श॑तेति॒ त्रयः॑ – त्रि॒ञ्श॑ता । च । त्रि॒भि॒रिति॑ त्रि – भिः ।  
च । श॒तैः । स॒ह । उ॒दै॒दि॒त्युत् – ऐ॒त् । तस्मा॑त् । रो॒हि॒ण्या ।  
पि॒ङ्ग॒लया॑ । ए॒क॒हाय॑न्येत्ये॒क – हा॒यन्या॑ । सो॒मम् । क्री॑णीयात् । यः ।  
ए॒वम् । वि॒द्वान् । रो॒हि॒ण्या । पि॒ङ्ग॒लया॑ । ए॒क॒हाय॑न्येत्ये॒क – हा॒यन्या॑ ।  
सो॒मम् । क्री॑णाति । त्रय॑स्त्रि॒ञ्श॑तेति॒ त्रयः॑ – त्रि॒ञ्श॑ता । च । ए॒व ।  
अ॒स्य । त्रि॒भि॒रिति॑ त्रि – भिः । च । 22 (50)

**7.1.6.3**

श॒तैः सो॒मः क्री॑तो भ॒वति॑ सु॒क्री॑तेन यज॑ते ताम॒प्सु प्रा॒वे॒शय॑-  
त्रि॒न्द्रा॒यो॒दे॒हीति॑ सा रो॒हि॒णी लक्ष्म॑णा प॒ष्ठौही॑ वार्त्र॒घ्नी रू॒पं कृ॒त्वा  
त्रय॑स्त्रि॒ञ्श॑ता च त्रि॒भिश्च॑ श॒तैः स॒होदै॑त् तस्मा॑द् रो॒हि॒णीं लक्ष्म॑णां

प॒ष्ठौ॒हीं॑ वा॒र्त्र॒घ्नीं॑ द॒द्याद्य॑ ए॒वं वि॒द्वान् रो॒हिणीं॑ ल॒क्ष्म॒णां प॒ष्ठौ॒हीं॑ वा॒र्त्र॒घ्नीं॑  
द॒दाति॑ त्र॒यस्त्रिं॑श॒च्चै॒वास्य॑ त्री॒णि च॑ श॒तानि॑ सा द॒त्ता – [ ] 23

### 7.1.6.3 - Padam

श॒तैः । सो॒मः । क्री॒तः । भ॒वति॑ । सु॒क्री॒तेनेति॑ सु॒-क्री॒तेन॑ । य॒जते॑ ।  
ताम् । अ॒प्स्वि॒त्यप् – सु । प्रेति॑ । अ॒वैश॑यन् । इन्द्रा॒य । उ॒दे॒हीत्युत्  
-ए॒हि । इति॑ । सा । रो॒हिणी॑ । ल॒क्ष्म॒णा । प॒ष्ठौ॒ही । वा॒र्त्र॒घ्नीति॑  
वा॒र्त्र – घ्नी॑ । रू॒पम् । कृ॒त्वा । त्र॒यस्त्रिं॑श॒तेति॑ त्र॒यः – त्रिं॑श॒ता ।  
च । त्रि॒भिरिति॑ त्रि – भिः । च । श॒तैः । स॒ह । उ॒दै॒दित्युत् – ऐत् ।  
तस्मा॑त् । रो॒हिणी॑म् । ल॒क्ष्म॒णाम् । प॒ष्ठौ॒हीम् । वा॒र्त्र॒घ्नीमिति॑  
वा॒र्त्र – घ्नी॑म् । द॒द्यात् । यः । ए॒वम् । वि॒द्वान् । रो॒हिणी॑म् ।  
ल॒क्ष्म॒णाम् । प॒ष्ठौ॒हीम् । वा॒र्त्र॒घ्नीमिति॑ वा॒र्त्र – घ्नी॑म् । द॒दाति॑ ।  
त्र॒यस्त्रिं॑श॒दिति॑ त्र॒यः – त्रिं॑श॒त् । च । ए॒व । अ॒स्य । त्री॒णि । च ।  
श॒तानि॑ । सा । द॒त्ता । 23 (50)

**7.1.6.4**

भवति॑ ताम्॒प्सु प्रा॒वेशयन्॑ यमा॒योदे॒हीति॑ सा ज॒रती॑ मू॒र्खा तज्ज॒घन्या॑  
रूपं॑ कृ॒त्वा त्रय॑स्त्रि॒ंशता॑ च त्रि॒भिश्च॑ श॒तैः स॒होदैत्॑ तस्मा॒ज्जरतीं॑  
मू॒र्खा तज्ज॒घन्या-म॑नु॒स्तरणीं॑ कुर्वी॒त य ए॒वं वि॒द्वज्जरतीं॑ मू॒र्खा  
तज्ज॒घन्या-म॑नु॒स्तरणीं॑ कुरु॒ते त्रय॑स्त्रि॒ंशच्चै॒वास्य॑ त्रीणि॑ च श॒तानि॑  
साऽमु॒ष्मिन् लो॒के भवति॑ वा॒गेव॑ स॒हस्र॑तमी॒ तस्मा॑ - [ ] 24

**7.1.6.4 - Padam**

भवति॑ । ताम् । अ॒प्स्वि॒त्यप् - सु । प्रेति॑ । अ॒वेश॑यन् । यमा॒य ।  
उ॒दे॒हीत्यु॑त् - एहि॑ । इति॑ । सा । ज॒रती॑ । मू॒र्खा । तज्ज॒घन्येति॑  
तत् - ज॒घन्या॑ । रू॒पम् । कृ॒त्वा । त्रय॑स्त्रि॒ंशतेति॑ त्रयः-त्रि॒ंशता॑ ।  
च । त्रि॒भिरिति॑ त्रि - भिः । च । श॒तैः । स॒ह । उ॒दैदित्यु॑त् - ऐत् ।  
तस्मा॑त् । ज॒रतीम् । मू॒र्खाम् । तज्ज॒घन्यामिति॑ तत् - ज॒घन्याम् ।  
अ॒नु॒स्तर॑णी॒मित्यनु॑ - स्तर॑णीम् । कुर्वी॒त । यः । ए॒वम् । वि॒द्वान् ।  
ज॒रतीम् । मू॒र्खाम् । तज्ज॒घन्यामिति॑ तत् - ज॒घन्याम् ।  
अ॒नु॒स्तर॑णी॒मित्यनु॑ - स्तर॑णीम् । कुरु॒ते ।



त्रयस्त्रिंशदिति त्रयः – त्रिंशत् । च । एव । अस्य । त्रीणि । च ।  
शतानि । सा । अमुष्मिन् । लोके । भवति । वाक् । एव ।  
सहस्रतमीति सहस्र – तमी । तस्मात् ॥ 24 (50)

#### 7.1.6.5

द्वो देयः सा हि वरः सहस्रमस्य सा दत्ता भवति तस्माद् वरो न  
प्रतिगृह्यः सा हि वरः सहस्रमस्य प्रतिगृहीतं भवतीयं वर इति  
ब्रूयादथान्यां ब्रूयादियं ममेति तथाऽस्य तत् सहस्र-मप्रतिगृहीतं  
भवत्युभयत एनी स्यात् तदाहुरन्यत एनी स्यात् सहस्रं परस्तादेतमिति  
यैव वरः – [ ] 25

#### 7.1.6.5 - Padam

वरः । देयः । सा । हि । वरः । सहस्रम् । अस्य । सा । दत्ता ।  
भवति । तस्मात् । वरः । न । प्रतिगृह्य इति प्रति – गृह्यः । सा ।  
हि । वरः । सहस्रम् । अस्य । प्रतिगृहीतमिति प्रति – गृहीतम् ।  
भवति । इयम् । वरः । इति । ब्रूयात् । अथ । अन्याम् । ब्रूयात् ।  
इयम् । मम । इति । तथा । अस्य । तत् । सहस्रम् ।

अ॒प्र॒ति॒गृ॒ही॒त॒मि॒त्य॒प्र॒ति – गृ॒ही॒त॒म् । भ॒व॒ति । उ॒भ॒य॒त॒ए॒नी॒त्यु॒भ॒य॒तः –  
ए॒नी । स्या॒त् । तत् । आ॒हुः । अ॒न्य॒त॒ए॒नी॒त्य॒न्य॒तः – ए॒नी । स्या॒त् ।  
स॒ह॒स्र॒म् ॥ प॒र॒स्ता॒त् । ए॒त॒म् । इ॒ति । या । ए॒व । व॒रः । 25 (50)

#### 7.1.6.6

क॒ल्या॒णी रू॒प॒स॒मृ॒द्धा सा स्या॒त् सा हि व॒रः स॒मृ॒द्ध्यै  
तामु॒त्त॒रे॒णाऽऽ\*ग॒नी॒ध्रं प॒र्या॒णी॒याऽऽ\*ह॒व॒नी॒य॒स्या॒न्ते द्रो॒ण॒क॒ल॒श॒म॒व  
घ्रा॒प॒ये॒दा जि॒घ्र क॒ल॒शं म॒ह्यु॒रु॒धा॒रा प॒य॒स्व॒त्या त्वा वि॒श॒न्ति॒वः  
स॒मु॒द्र॒मि॒व सि॒न्ध॒वः सा मा स॒ह॒स्र आ भ॒ज प्र॒ज॒या प॒शु॒भिः स॒ह  
पु॒न॒र्मा ऽऽ\*वि॒श॒ता॒द्-र॒यि॒रि॒ति प्र॒ज॒यै॒वैनं प॒शु॒भी र॒य्या स – [ ] 26

#### 7.1.6.6 - Padam

क॒ल्या॒णी । रू॒प॒स॒मृ॒द्धे॒ति रू॒प – स॒मृ॒द्धा । सा । स्या॒त् । सा । हि ।  
व॒रः । स॒मृ॒द्ध्यै इ॒ति सं – ऋ॒द्ध्यै । ताम् । उ॒त्त॒रे॒णे॒त्यु॒त् – त॒रे॒ण ।  
आ॒ग॒नी॒ध्र॒मि॒त्या॒ग्नि – इ॒ध्रम् । प॒र्या॒णी॒ये॒ति प॒रि – आ॒नी॒य ।  
आ॒ह॒व॒नी॒य॒स्ये॒त्या – ह॒व॒नी॒य॒स्य । अ॒न्ते । द्रो॒ण॒क॒ल॒श॒मि॒ति  
द्रो॒ण – क॒ल॒श॒म् । अ॒वे॒ति । घ्रा॒प॒ये॒त् । ए॒ति । जि॒घ्र । क॒ल॒श॒म् ।

महि । उ॒रु॒धा॒रे॒त्यु॒रु – धा॒रा । प॒य॒स्व॒ती । ए॒ति । त्वा । वि॒श॒न्तु ।  
 इ॒न्द्र॒वः । स॒मु॒द्र॒म् । इ॒व । सि॒न्ध॒वः । सा । मा । स॒ह॒स्रै॑ । ए॒ति ।  
 भ॒ज । प्र॒ज॒ये॒ति प्र – ज॒या॑ । प॒शु॒भि॒रि॒ति प॒शु-भिः॑ । स॒ह । पु॒नः ।  
 मा । ए॒ति । वि॒श॒ता॒त् । र॒यिः । इ॒ति । प्र॒ज॒ये॒ति प्र – ज॒या॑ । ए॒व ।  
 ए॒न॒म् । प॒शु॒भि॒रि॒ति प॒शु – भिः॑ । र॒य्या । स॒मि॒ति । 26 (50)

#### 7.1.6.7

–म॒र्ध॒य॒ति प्र॒जा॒वा॒न् प॒शु॒मा॒न् र॒यि॒मा॒न् भ॒व॒ति य ए॒वं वै॒द त॒या  
 स॒हाऽऽ॒ग्नी॒ध्रं प॒रे॒त्य॑ पु॒र॒स्ता॒त् प्र॒ती॒च्यां ति॒ष्ठ॒न्त्यां जु॒हु॒या॒दु॒भा  
 जि॒ग्य॒थु॒र्न प॒रा ज॒ये॒थे न प॒रा जि॒ग्ये क॒तर॒श्च॒नै॒नोः । इ॒न्द्र॒श्च वि॒ष्णो  
 य॒दप॒स्पृ॒धे॒थां त्रे॒धा स॒ह॒स्रं वि॒ तदै॒रये॒थामि॒ति त्रे॒धावि॒भक्तं॑ वै त्रि॒रात्रे॑  
 स॒ह॒स्रं सा॒ह॒स्री॒मे॒वैनां॑ क॒रो॒ति स॒ह॒स्र॒स्यै॒वैनां॑ मा॒त्रां – [ ] 27

#### 7.1.6.7 - Padam

अ॒र्ध॒य॒ति । प्र॒जा॒वा॒नि॒ति प्र॒जा – वा॒न् । प॒शु॒मा॒नि॒ति प॒शु – मा॒न् ।  
 र॒यि॒मा॒नि॒ति र॒यि – मा॒न् । भ॒व॒ति । यः । ए॒व॒म् । वै॒द । त॒या॑ । स॒ह ।  
 आ॒ग्नी॒ध्र॒मि॒त्याग्नि॑ – इ॒ध्र॒म् । प॒रे॒त्ये॒ति प॒रा – इ॒त्य॑ । पु॒र॒स्ता॒त् ।

प्र॒ती॒च्याम् । ति॒ष्ठ॒न्त्याम् । जु॒हु॒यात् । उ॒भा । जि॒ग्य॒थुः । न । प॒रेति॑ ।  
जये॒थे इति॑ । न । प॒रेति॑ । जि॒ग्ये । क॒तरः । च॒न । ए॒नोः । इन्द्रः॑ ।  
च । वि॒ष्णो इति॑ । यत् । अ॒प॒स्पृ॒धे॒थाम् । त्रे॒धा । स॒ह॒स्रम् । वी॒ति ।  
तत् । ऐ॒रये॒थाम् । इति॑ । त्रे॒धा॒वि॒भक्त॑मिति॑ त्रे॒धा – वि॒भक्तम् । वै ।  
त्रि॒रात्र॑ इति॑ त्रि – रा॒त्रे । स॒ह॒स्रम् । सा॒ह॒स्रीम् । ए॒व । ए॒नाम् ।  
क॒रोति॑ । स॒ह॒स्र॑स्य । ए॒व । ए॒नाम् । मा॒त्राम् । 27 (50)

#### 7.1.6.8

क॒रोति॑ रू॒पाणि॑ जु॒होति॑ रू॒पैरे॒वैना॑ꣳ स॒म॒र्धय॑ति तस्या॑ उ॒पो॒त्थाय॑  
क॒र्ण॒मा ज॒पेदि॑डे र॒न्तेऽदि॑ते सर॒स्वति॑ प्रि॒ये प्रे॒यसि॑ म॒हि वि॒श्रुत्ये॑तानि॑  
ते अ॒घ्निये॑ ना॒मानि॑ सु॒कृतं॑ मा दे॒वेषु॑ ब्रू॒तादि॑ति दे॒वेभ्य॑ ए॒वैन॒मा  
वे॒दय॑त्यन्वे॒नं दे॒वा बु॒ध्यन्ते॑ । 28

#### 7.1.6.8 - Padam

क॒रोति॑ । रू॒पाणि॑ । जु॒होति॑ । रू॒पैः । ए॒व । ए॒नाम् । स॒मिति॑ ।  
अ॒र्धय॑ति । तस्याः॑ । उ॒पो॒त्थाये॑त्यु॒प – उ॒त्थाय॑ । क॒र्णम् । ए॒ति ।  
ज॒पेत् । इ॒डे । र॒न्ते । अ॒दि॒ते । सर॒स्वति॑ । प्रि॒ये । प्रे॒यसि॑ । म॒हि ।

वि॒श्रु॒ती॒ति॒ वि॒ – श्रु॒ति॒ । ए॒ता॒नि॒ । ते॒ । अ॒घ्नि॒ये॒ । ना॒मा॒नि॒ ।  
सु॒कृ॒त॒मि॒ति॒ सु॒ – कृ॒त॒म् । मा॒ । दे॒वेषु॑ । ब्रू॒ता॒त् । इति॑ । दे॒वेभ्यः॑ ।  
ए॒व । ए॒न॒म् । ए॒ति॒ । वे॒द॒य॒ति॒ । अ॒न्वि॒ति॒ । ए॒न॒म् । दे॒वाः ।  
बु॒ध्य॒न्ते॒ । 28 (39) ( ए॒त॒दे॒त॒स्यां॑ ॥ वी॒र्यं॑ – म॒स्य॑ त्रि॒भिश्च॑ – द॒त्ता –  
स॒ह॒स्र॒त॒मी॒ तस्मा॑ – दे॒व॒ वरः॑ – सं – मा॒त्रा – मे॒का॒न्न  
च॒त्वा॒रि॒ञ्श॒च्च॑) (A6)

#### 7.1.7.1

स॒ह॒स्र॒त॒म्या॑ वै यज॒मानः॑ सु॒वर्गं॑ लो॒कमे॑ति सैनं॑ सु॒वर्गं॑ लो॒कं  
ग॒म॒य॒ति॒ सा॒ मा॒ सु॒वर्गं॑ लो॒कं ग॒म॒ये॒त्याह॑ सु॒वर्गमे॑वैनं॑ लो॒कं ग॒म॒य॒ति॒  
सा॒ मा॒ ज्यो॑तिष्मन्तं॑ लो॒कं ग॒म॒ये॒त्याह॑ ज्यो॑तिष्मन्तमे॑वैनं॑ लो॒कं  
ग॒म॒य॒ति॒ सा॒ मा॒ सर्वा॑न् पु॒ण्यां॑ लो॒कान् ग॒म॒ये॒त्याह॑ सर्वा॑ने॒वैनं॑ पु॒ण्यां॑  
लो॒कान् ग॒म॒य॒ति॒ सा॒ – [ ] 29

#### 7.1.7.1 - Padam

स॒ह॒स्र॒त॒म्ये॑ति॒ स॒ह॒स्र॑ – त॒म्या॑ । वै । यज॒मानः॑ । सु॒वर्ग॑मि॒ति॒  
सु॒वः॑ – ग॒म् । लो॒क॒म् । ए॒ति॒ । सा॒ । ए॒न॒म् ।

सु॒व॒र्गमि॑ति सु॒वः – ग॒म् । लो॒कम् । ग॒म॒य॒ति॒ । सा । मा ।  
सु॒व॒र्गमि॑ति सु॒वः – ग॒म् । लो॒कम् । ग॒म॒य॒ । इति॑ । आ॒ह॒ ।  
सु॒व॒र्गमि॑ति सु॒वः – ग॒म् । ए॒व । ए॒नम् । लो॒कम् । ग॒म॒य॒ति॒ । सा ।  
मा । ज्यो॑तिष्मन्तम् । लो॒कम् । ग॒म॒य॒ । इति॑ । आ॒ह॒ । ज्यो॑तिष्मन्तम् ।  
ए॒व । ए॒नम् । लो॒कम् । ग॒म॒य॒ति॒ । सा । मा । सर्वा॑न् । पु॒ण्यान् ।  
लो॒कान् । ग॒म॒य॒ । इति॑ । आ॒ह॒ । सर्वा॑न् । ए॒व । ए॒नम् । पु॒ण्यान् ।  
लो॒कान् । ग॒म॒य॒ति॒ । सा । 29 (50)

#### 7.1.7.2

मा॑ प्र॒तिष्ठां॑ ग॒म॒य॒ प्र॒जया॑ प॒शुभिः॑ स॒ह पु॒नर्मा॑ऽऽ वि॒शताद्–र॒यि॒रिति॑  
प्र॒जयै॑वैनं॑ प॒शुभी॑ र॒य्यां॑ प्र॒ति ष्ठा॑पयति प्र॒जावा॑न् प॒शुमा॑न् र॒यिमा॑न्  
भ॒वति॑ य ए॒वं वै॒द॒ ताम॑ग्नी॒धे वा॑ ब्र॒ह्म॒णे वा॑ हो॒त्रे वो॒द्गात्रे॑ वाऽ॒ध्व॒र्यवे॑  
वा द॒द्याथ् स॒हस्र॑मस्य सा द॒त्ता भ॑वति स॒हस्र॑मस्य प्र॒तिगृ॑हीतं भ॒वति॑  
यस्ता॑मवि॒द्वान् – [ ] 30

**7.1.7.2 - Padam**

मा । प्रतिष्ठा॑मिति॑ प्रति – स्था॑म् । गम॑य । प्रज॑येति॑ प्र – जया॑ ॥  
प॒शुभि॑रिति॑ प॒शु – भिः॑ । स॒ह । पुनः॑ । मा । ए॒ति । वि॒शता॑त् ।  
र॒यिः । इति॑ । प्रज॑येति॑ प्र – जया॑ ॥ ए॒व । ए॒नम् । प॒शुभि॑रिति॑  
प॒शु – भिः॑ । र॒य्याम् । प्र॒तीति॑ । स्था॒पय॑ति । प्र॒जावा॑निति॑  
प्र॒जा – वा॒न् । प॒शुमा॑निति॑ प॒शु – मा॒न् । र॒यिमा॑निति॑ र॒यि – मा॒न् ।  
भ॒वति॑ । यः । ए॒वम् । वे॒द । ता॒म् । अ॒ग्नी॒ध इ॒त्यग्नि॑ – इ॒धे ॥ वा ।  
ब्र॒ह्म॒णे ॥ वा । हो॒त्रे ॥ वा । उ॒द्गा॒त्र इ॒त्युत् – गा॒त्रे ॥ वा । अ॒ध्व॒र्य॒वे ॥  
वा । द॒द्यात् । स॒हस्र॑म् । अ॒स्य । सा । द॒त्ता । भ॒वति॑ । स॒हस्र॑म् ।  
अ॒स्य । प्र॒तिगृ॑हीतमिति॑ प्र॒ति – गृ॑हीतम् । भ॒वति॑ । यः । ता॒म् ।  
अ॒वि॒द्वान् । 30 (50)

**7.1.7.3**

प्र॒तिगृ॑ह्णाति॑ तां प्र॒तिगृ॑ह्णीयादे॒काऽसि॑ न स॒हस्र॑मे॒कां त्वा भू॒तां  
प्र॒ति गृ॑ह्णामि॑ न स॒हस्र॑मे॒का मा भू॒ताऽऽ वि॒श मा स॒हस्र॑मित्ये॒कामे॒वैनां ॥  
भू॒तां प्र॒तिगृ॑ह्णाति॑ न स॒हस्रं॑ य॒ एवं वे॒द स्यो॒नाऽसि॑ सु॒षदा॑ सु॒शे॒वा ॥

स्यो॒ना मा ऽवि॑श सु॒षदा॑ मा ऽवि॑श सु॒शेवा॑ मा ऽवि॑शो –[ ] 31

**7.1.7.3 - Padam**

प्र॒तिगृ॒ह्णातीति॑ प्र॒ति – गृ॒ह्णाति॑ । ता॒म् । प्र॒तीति॑ । गृ॒ह्णीया॑त् । ए॒का॑ ।  
अ॒सि॒ । न॒ । स॒हस्र॑म् । ए॒का॑म् । त्वा॒ । भू॒ताम् । प्र॒तीति॑ । गृ॒ह्णामि॑ ।  
न॒ । स॒हस्र॑म् । ए॒का॑ । मा॒ । भू॒ता । ए॒ति॑ । वि॒श॒ । मा॒ । स॒हस्र॑म् ।  
इति॑ । ए॒का॑म् । ए॒व । ए॒नाम् । भू॒ताम् । प्र॒तीति॑ । गृ॒ह्णाति॑ । न॒ ।  
स॒हस्र॑म् । यः॒ । ए॒वम् । वे॒द॒ । स्यो॒ना । अ॒सि॒ । सु॒षदेति॑ सु॒-सदा॑ ।  
सु॒शेवेति॑ सु॒ – शे॒वा॑ । स्यो॒ना । मा॒ । ए॒ति॑ । वि॒श॒ ।  
सु॒षदेति॑ सु॒ – सदा॑ । मा॒ । ए॒ति॑ । वि॒श॒ । सु॒शेवेति॑ सु॒ – शे॒वा॑ ।  
मा॒ । ए॒ति॑ । वि॒श॒ । 31 (50)

**7.1.7.4**

–त्याह स्यो॒नैवैन॑ सु॒षदा॑ सु॒शेवा॑ भू॒ताऽवि॑शति नैन॑ हिन॒स्ति  
ब्र॒ह्मवा॒दिनो॑ वदन्ति स॒हस्र॑ स॒हस्र॑त॒म्यन्वे॒ती(३) स॒हस्र॑त॒मी  
स॒हस्रा(३)मि॒ति यत् प्रा॒चीमु॒थ् सृ॒जेथ् स॒हस्र॑ स॒हस्र॑त॒म्यन्वि॒यात्  
तथ् स॒हस्र॑म॒प्रजा॒त्र सु॒वर्गं॑ लो॒कं न प्र॑ जा॒नीया॑त् प्र॒तीची॒मुथ्–



सृ॒जति॑ ता॒ꣳ सह॒स्र॒मनु॑ पर्या॒वर्तते॑ सा प्र॒जान॑ती सु॒वर्गं॑ लो॒कमे॑ति  
यज॑मान ( ) – म॒भ्यु॒थ् सृ॒जति॑ क्षि॒प्रे सह॒स्रं प्र॑ जा॒यत॑ उत्त॒मा नी॒यते॑  
प्रथ॒मा दे॒वान् ग॒च्छति॑ । 32

#### 7.1.7.4 - Padam

इति॑ । आ॒ह । स्यो॒ना । ए॒व । ए॒नम् । सु॒षदे॑ति सु – सदा॑ ।  
सु॒शेवे॑ति सु – शे॒वा । भू॒ता । ए॒ति । वि॒शति॑ । न । ए॒नम् ।  
हि॒नस्ति॑ । ब्र॒ह्मवा॑दि॒न इति॑ ब्र॒ह्म – वा॒दिनः॑ । व॒दन्ति॑ । सह॒स्रम् ।  
सह॒स्रत॑मीति सह॒स्र – त॒मी । अ॒न्विति॑ । ए॒ती(३) । सह॒स्रत॑मीमिति  
सह॒स्र – त॒मीम् । सह॒स्रा(३)म् । इति॑ । यत् । प्रा॒चीम् ।  
उ॒थ्सृ॒जेदित्यु॑त् – सृ॒जेत् । सह॒स्रम् । सह॒स्रत॑मीति सह॒स्र – त॒मी ।  
अ॒न्विति॑ । इ॒यात् । तत् । सह॒स्रम् । अ॒प्र॒ज्ञा॒त्रमि॑त्य॒प्र – ज्ञा॒त्रम् ।  
सु॒वर्ग॑मिति सु॒वः – गम् । लो॒कम् । न । प्रे॒ति । जा॒नीया॑त् ।  
प्र॒तीची॑म् । उ॒दि॒ति । सृ॒जति॑ । ता॒म् । सह॒स्रम् । अ॒न्विति॑ ।  
पर्या॒वर्तत॑ इति॑ परि – आ॒वर्तते॑ । सा । प्र॒जान॑तीति प्र – जा॒नती॑ ।

सु॒वर्ग॑मि॒ति सु॒वः – ग॒म् । लो॒कम् । ए॒ति । य॒ज॑मा॒नम् ( ) । अ॒भि ।

उ॒दि॒ति । सृ॒ज॒ति । क्षि॒प्रे । स॒ह॒स्र॑म् । प्रे॒ति । जा॒य॒ते ।

उ॒त्त॑मे॒त्यु॒त् – त॒मा । नी॒य॒ते । प्र॒थ॒मा । दे॒वा॒न् । ग॒च्छ॑ति । 32 (62)

(लो॒का॒न् ग॑म॒य॒ति सा – ऽवि॑द्वान्थ् – सु॒शो॒वा मा॑ऽऽ वि॒श – य॒ज॑मा॒नं  
– द्वा॒द॒श च) (A7)

#### 7.1.8.1

अ॒त्रि॒र॒द॒दा॒दौ॒र्वा॒य प्र॒जां पु॒त्र॒का॒मा॒य स रि॒रि॒चा॒नो॒ऽम॒न्य॑त निर्वी॒र्यः

शि॒थि॒लो या॑त॒या॒मा स ए॒तं च॑तू॒रा॒त्र-म॑प॒श्य॒त् त॒माऽह॑रत् ते॒ना॒य॒ज॒त

त॒तो वै त॑स्य च॒त्वा॒रो वी॒रा आ॑ऽजा॒य॒न्त सु॒हो॒ता सू॒द्वा॒ता स्व॑ध्व॒र्युः

सु॒स॒भे॒यो य ए॒वं वि॑द्वान्श्चतू॒रा॒त्रेण॑ य॒ज॒त आ॑ऽस्य च॒त्वा॒रो वी॒रा

जा॒य॒न्ते सु॒हो॒ता सू॒द्वा॒ता स्व॑ध्व॒र्युः सु॒स॒भे॒यो ये च॑तुर्वि॒ंशः

प॒व॒मा॒ना ब्र॑ह्मवर्च॒सं त – [ ] 33

#### 7.1.8.1 - Padam

अ॒त्रिः । अ॒द॒दा॒त् । औ॒र्वा॒य । प्र॒जा॒मि॒ति प्र – जा॒म् ।

पु॒त्र॒का॒मा॒ये॒ति पु॒त्र – का॒मा॒य । सः । रि॒रि॒चा॒नः । अ॒म॒न्य॑त ।

निर्वी॑र्य॒ इति॑ निः – वी॒र्यः॑ । शि॒थि॒लः॑ । या॒तया॑मेति॒ या॒त – या॒मा ।  
सः । ए॒तम् । च॒तू॒रा॒त्रमि॑ति॒ चतुः॑ – रा॒त्रम् । अ॒प॒श्यत् । तम् । ए॒ति ।  
अ॒हर॒त् । ते॒न । अ॒य॒ज॒त । त॒तः । वै । त॒स्य॑ । च॒त्वा॒रः । वी॒राः ।  
ए॒ति । अ॒जा॒य॒न्त । सु॒हो॒तेति॑ सु – हो॒ता । सू॒द्वा॒तेति॑ सु – उ॒द्वा॒ता ।  
स्व॒ध्व॒र्युरि॑ति॒ सु – अ॒ध्व॒र्युः॑ । सु॒स॒भे॒य इति॑ सु – स॒भे॒यः ।  
यः । ए॒वम् । वि॒द्वान् । च॒तू॒रा॒त्रेणे॑ति॒ चतुः॑ – रा॒त्रेण॑ । य॒ज॒ते । ए॒ति ।  
अ॒स्य॑ । च॒त्वा॒रः । वी॒राः । जा॒य॒न्ते । सु॒हो॒तेति॑ सु – हो॒ता ।  
सू॒द्वा॒तेति॑ सु – उ॒द्वा॒ता । स्व॒ध्व॒र्युरि॑ति॒ सु – अ॒ध्व॒र्युः॑ । सु॒स॒भे॒य  
इति॑ सु – स॒भे॒यः । ये । च॒तुर्वि॑ं॒शा इति॑ चतुः – वि॒ं॒शाः ।  
प॒व॒मा॒नाः । ब्र॒ह्म॒व॒र्च॒समि॑ति॒ ब्र॒ह्म – व॒र्च॒सम् । तत् । 33 (50)

### 7.1.8.2

– द्य उ॒द्य॒न्तः स्तो॒माः श्रीः॑ सा ऽ॒त्रि॒ं श्र॒द्धा॒दे॒वं य॑ज॒मानं॑ च॒त्वा॒रि  
वी॒र्या॑णि नोपा॒ऽन॒मन् ते॒ज इ॒न्द्रि॒यं ब्र॒ह्म॒व॒र्च॒स-म॒न्नाद्य॑ स  
ए॒ताश्च॑तु॒रश्च॑तुष्टो॒मान्त् सो॒मान-प॑श्यत् ताना॒ऽह॒रत् तै॒रय॑ज॒त ते॒ज ए॒व

प्रथ॑मे॒ना ऽवा॑रुन्धेन्द्रि॒यं द्वि॑तीये॒न ब्र॑ह्मवर्च॒सं तृ॑तीये॒नाऽन्ना॑द्यं चतु॒र्थेन॑ य  
ए॒वं वि॑द्वा॒ञ्चतु॑र॒श्चतु॑ष्टोमा॒न्त् सो॒मा॒ना॒हर॑ति तैर्यज॑ते तेज॑ ए॒व ( )  
प्रथ॑मे॒नाव॑ रुन्ध इन्द्रि॒यं द्वि॑तीये॒न ब्र॑ह्मवर्च॒सं तृ॑तीये॒नाऽन्ना॑द्यं चतु॒र्थेन॑  
या॒मे॒वा॒त्रिर्. ऋ॒द्धि॒मा॒ध्नो॒त् ता॒मे॒व य॑ज॒मा॒न ऋ॒ध्नो॒ति । 34

#### 7.1.8.2 - Padam

ये । उ॒द्यन्त॑ इत्यु॒त् – यन्तः॑ । स्तो॒माः॑ । श्रीः॑ । सा । अ॒त्रिम् ।  
श्र॒द्धा॒दे॒वमि॑ति श्र॒द्धा – दे॒वम् । य॑ज॒मा॒नम् । च॒त्वारि॑ । वी॒र्या॑णि । न ।  
उ॒पो॒ति । अ॒न॒म॒न् । तेजः॑ । इन्द्रि॒यम् । ब्र॑ह्मवर्च॒समि॑ति ब्र॑ह्म-वर्च॒सम् ।  
अ॒न्ना॒द्यमि॑त्य॒न्न – अ॒द्यम् । सः । ए॒तान् । च॒तुरः॑ । च॒तु॒ष्टो॒ममि॑ति  
च॒तुः – स्तो॒मा॒न् । सो॒मा॒न् । अ॒प॒श्य॒त् । तान् । ए॒ति । अ॒हर॒त् ।  
तैः । अ॒य॒ज॒त । तेजः॑ । ए॒व । प्र॒थ॒मे॒न । अ॒वे॒ति । अ॒रु॒न्ध । इन्द्रि॒यम् ।  
द्वि॑तीये॒न । ब्र॑ह्मवर्च॒समि॑ति ब्र॑ह्म – वर्च॒सम् । तृ॑तीये॒न । अ॒न्ना॒द्यमि॑त्य॒न्न  
– अ॒द्यम् । च॒तु॒र्थेन॑ । यः । ए॒वम् । वि॒द्वान् । च॒तुरः॑ । च॒तु॒ष्टो॒ममि॑ति  
च॒तु – स्तो॒मा॒न् । सो॒मा॒न् । आ॒हर॒ती॒त्या – हर॑ति । तैः । य॑ज॒ते ।

तेजः । ए॒व ( ) । प्र॒थ॒मेन॑ । अ॒वेति॑ । रु॒न्धे । इ॒न्द्रि॒यम् । द्वि॒तीये॑न ।  
 ब्र॒ह्मव॑र्चसमि॒ति ब्र॒ह्म – वर्च॑सम् । तृ॒तीये॑न । अ॒न्नाद्य॑मित्य॒न्न अ॒द्यम् ।  
 चतु॑र्थेन । या॒म् । ए॒व । अ॒त्रिः । ऋ॒द्धिम् । आ॒ध्नो॑त् । ता॒म् । ए॒व ।  
 यज॑मानः । ऋ॒ध्नोति॑ । 34 (68) ( तत्-तेज॑ ए॒वा-ष्टा॑दश च) (A8)

### 7.1.9.1

ज॒मद॑ग्निः पु॒ष्टिका॑म-श्चतू॒रात्रे॑णा-यज॑त स ए॒तान् पो॑षा॒ञ् अपु॑ष्यत्  
 तस्मा॑त् प॒लितौ॑ जा॒मद॑ग्नियौ न सं जा॒नाते॑ ए॒ताने॑व पो॒षान् पु॑ष्यति य  
 एवं वि॒द्वान्श्चतू॒रात्रे॑ण यज॑ते पु॒रोडा॑शिन्य॒ उप॑सदो भव॑न्ति प॒शवो॑ वै  
 पु॒रोडा॑शः प॒शूने॒वाव रु॒न्धे ऽन्नं॑ वै पु॒रोडा॑शोऽन्न॒मेवा॑व रु॒न्धे ऽन्ना॑दः  
 प॒शुमा॑न् भव॑ति य एवं वि॒द्वान्श्चतू॒रात्रे॑ण यज॑ते । 35

### 7.1.9.1 - Padam

ज॒मद॑ग्निः । पु॒ष्टिका॑म इति पु॒ष्टि – का॒मः । चतू॒रात्रे॑णेति  
 चतुः – रा॒त्रेण॑ । अ॒यज॑त । सः । ए॒तान् । पो॒षान् । अ॒पुष्य॑त् ।  
 तस्मा॑त् । प॒लितौ॑ । जा॒मद॑ग्नियौ । न । स॒मिति॑ । जा॒नाते॑ इति ।  
 ए॒तान् । ए॒व । पो॒षान् । पु॒ष्यति॑ । यः । ए॒वम् । वि॒द्वान् ।

चतू॒रात्रे॑णेति॒ चतुः॑ – रात्रे॑ण । यज॑ते । पु॒रोडा॑शिन्यः । उप॒सद॑  
इत्यु॒प – सदः॑ । भव॑न्ति । प॒शवः॑ । वै । पु॒रोडा॑शः । प॒शून् । ए॒व ।  
अवे॑ति । रु॒न्धे । अन्न॑म् । वै । पु॒रोडा॑शः । अन्न॑म् । ए॒व । अवे॑ति ।  
रु॒न्धे । अन्ना॑द इत्य॒न्न – अदः॑ । प॒शुमा॑निति॒ पशु॑ – मा॒न् । भव॑ति ।  
यः । ए॒वम् । वि॒द्वान् । चतू॒रात्रे॑णेति॒ चतुः॑ – रात्रे॑ण । यज॑ते । 35 (48)

(ज॒मद॑ग्नि – र॒ष्टाच॑त्वारि॒ंशत्) (A9)

#### 7.1.10.1

सँव॑त्सरो॒ वा इ॒दमे॑क॒ आसी॑त् सोऽका॑मय॒तर्तू॑न्थ॒ सृजे॑येति॒ स ए॒तं  
पञ्च॑रात्रम॒पश्य॑त् तमा॒ऽहर॑त् तेना॒यज॑त॒ ततो॑ वै स ऋ॒तून॑सृज॒त य ए॒वं  
वि॒द्वान् पञ्च॑रात्रेण॒ यज॑ते प्रै॒व जा॑यते॒ त ऋ॒तवः॑ सृ॒ष्टा न॑ व्याव॒र्तन्त॑ त  
ए॒तं पञ्च॑रात्रम॒पश्य॑न् तमा॒ऽहर॑न् तेना॒यज॑न्त॒ ततो॑ वै  
ते व्याव॒र्तन्त॑ – [ ] 36

#### 7.1.10.1 - Padam

सँव॑त्सर॒ इति॑ सं – व॒त्सरः॑ । वै । इ॒दम् । ए॒कः । आ॒सीत् । सः ।  
अ॒का॒म॒य॒त । ऋ॒तून् । सृ॒जे॒य । इति॑ । सः । ए॒तम् ।

पञ्चरात्रमिति पञ्च – रात्रम् । अपश्यत् । तम् । एति । अहरत् ।  
तेन । अयजत । ततः । वै । सः । ऋतून् । असृजत । यः । एवम् ।  
विद्वान् । पञ्चरात्रेणेति पञ्च – रात्रेण । यजते । प्रेति । एव ।  
जायते । ते । ऋतवः । सृष्टाः । न । व्यावर्तन्तेति वि – आवर्तन्त ।  
ते । एतम् । पञ्चरात्रमिति पञ्च – रात्रम् । अपश्यन् । तम् । एति ।  
अहरन् । तेन । अयजन्त । ततः । वै । ते । व्यावर्तन्तेति  
वि – आवर्तन्त । 36 (50)

### 7.1.10.2

य एवं विद्वान् पञ्चरात्रेण यजते वि पाप्मना भ्रातृव्येणाऽऽ\* वर्तते  
सार्वसेनिः शौचेयोऽकामयत पशुमान्त् स्यामिति स एतं  
पञ्चरात्रमाऽहरत् तेनाऽयजत ततो वै स सहस्रं पशून् प्राऽऽ\*प्नोद्य  
एवं विद्वान् पञ्चरात्रेण यजते प्र सहस्रं पशूनाप्नोति बबरः  
प्रावाहणि-रकामयत वाचः प्रवदिता स्यामिति स एतं  
पञ्चरात्रमा – [ ] 37

**7.1.10.2 - Padam**

यः । ए॒वम् । वि॒द्वान् । प॒ञ्च॒रा॒त्रेणे॑ति॒ पञ्च॑-रा॒त्रेण॑ । यज॑ते । वी॒ति॒ ।  
पा॒प्म॒ना॑ । भ्रातृ॑व्येण । ए॒ति॒ । वर्त॑ते । सा॒र्व॒से॒निरि॑ति॒ सा॒र्व॒ - से॒निः ।  
शौ॒चे॒यः । अ॒काम॑यत । प॒शु॒मा॒नि॒ति॒ पशु॑ - मा॒न् । स्या॒म् । इति॑ ।  
सः । ए॒तम् । प॒ञ्च॒रा॒त्रमि॑ति॒ पञ्च॑ - रा॒त्रम् । ए॒ति॒ । अ॒हर॑त् । ते॒न॑ ।  
अ॒य॒ज॒त॒ । ततः॑ । वै । सः । स॒ह॒स्र॑म् । प॒शून् । प्रे॒ति॒ । आ॒प्नो॑त् ।  
यः । ए॒वम् । वि॒द्वान् । प॒ञ्च॒रा॒त्रेणे॑ति॒ पञ्च॑-रा॒त्रेण॑ । यज॑ते । प्रे॒ति॒ ।  
स॒ह॒स्र॑म् । प॒शून् । आ॒प्नो॑ति॒ । ब॒बरः॑ । प्रा॒वा॒ह॒णिः । अ॒काम॑यत ।  
वा॒चः । प्र॒व॒दि॒ते॒ति॒ प्र॒ - व॒दि॒ता॒ । स्या॒म् । इति॑ । सः । ए॒तम् ।  
प॒ञ्च॒रा॒त्रमि॑ति॒ पञ्च॑ - रा॒त्रम् । ए॒ति॒ । 37 (50)

**7.1.10.3**

ऽह॑रत् ते॒ना॒य॒ज॒त॒ ततो॑ वै स वा॒चः॑ प्र॒व॒दि॒ता॒ऽभ॒व॒द्य॑ ए॒वं वि॒द्वान्  
प॒ञ्च॒रा॒त्रेण॑ यज॑ते प्र॒व॒दि॒तै॒व वा॒चो॑ भ॒व॒त्य॒थो॑ ए॒नं वा॒च॒स्प॒ति॒-  
रि॒त्या॒हु॒र॒ना॒प्त॒-श्च॒तू॒रा॒त्रो॒ऽति॒रि॒क्तः॑ ष॒ड्-रा॒त्रो॒ऽथ॒ वा ए॒ष संप्र॑ति॒ य॒ज्ञो



यत् पञ्चरात्रो य एवं विद्वान् पञ्चरात्रेण यजते संप्रत्येव यज्ञेन  
यजते पञ्चरात्रो भवति पञ्च वा ऋतवः सँवथ्सर – [ ] 38

**7.1.10.3 - Padam**

अहरत् । तेन । अयजत । ततः । वै । सः । वाचः । प्रवदितेति  
प्र – वदिता । अभवत् । यः । एवम् । विद्वान् । पञ्चरात्रेणेति  
पञ्च – रात्रेण । यजते । प्रवदितेति प्र – वदिता । एव । वाचः ।  
भवति । अथो इति । एनम् । वाचः । पतिः । इति । आहुः ।  
अनाप्तः । चतूरात्र इति चतुः – रात्रः । अतिरिक्त इत्यति – रिक्तः ।  
षट्त्रात्र इति षट् – रात्रः । अथ । वै । एषः । संप्रतीति सं – प्रति ।  
यज्ञः । यत् । पञ्चरात्र इति पञ्च – रात्रः । यः । एवम् । विद्वान् ।  
पञ्चरात्रेणेति पञ्च – रात्रेण । यजते । सम्प्रतीति सं – प्रति ।  
एव । यज्ञेन । यजते । पञ्चरात्र इति पञ्च – रात्रः । भवति ।  
पञ्च । वै । ऋतवः । सँवथ्सर इति सं – वथ्सरः । 38 (50)

**7.1.10.4**

ऋ॒तु॒ष्वे॒व सँ॑व॒थ्स॒रे प्र॒ति ति॒ष्ठ॒त्य॒थो प॒ञ्चा॑क्ष॒रा प॒ङ्क्तिः॑ पा॒ङ्क्तो॑  
य॒ज्ञो य॒ज्ञमे॒वाव रु॒न्धे त्रि॒वृ॒द॒ग्नि॒ष्टोमो॑ भ॒वति ते॒ज ए॒वाव रु॒न्धे  
प॒ञ्च॒द॒शो भ॒वतीन्द्रि॒यमे॒वाव रु॒न्धे स॒प्त॒द॒शो भ॒वत्य॒न्नाद्य॒स्या-  
व॒रु॒द्ध्य॒ा अ॒थो प्रै॒व तेन॑ जा॒यते॑ प॒ञ्च॒वि॒ंशो॑ ऽग्नि॒ष्टोमो॑ भ॒वति  
प्र॒जाप॑ते॒राप्त्यै॑ म॒हाव्॒रत॒वा-न॒न्नाद्य॒स्या-व॒रु॒द्ध्यै वि॒श्वजि॑त् सर्व॒पृ॒ष्ठो-  
ऽति॒रात्रो॑ भ॒वति सर्व॑स्या॒भिजि॑त्यै ( ) । 39

**7.1.10.4 - Padam**

ऋ॒तु॒षु । ए॒व । सँ॑व॒थ्स॒र इति॑ सं - व॒थ्स॒रे । प्र॒तीति॑ । ति॒ष्ठ॒न्ति ।  
अ॒थो इति॑ । प॒ञ्चा॑क्ष॒रेति॑ प॒ञ्च - अ॒क्ष॒रा । प॒ङ्क्तिः॑ । पा॒ङ्क्तः॑ । य॒ज्ञः ।  
य॒ज्ञम् । ए॒व । अ॒वेति॑ । रु॒न्धे । त्रि॒वृ॒दि॒ति त्रि - वृ॒त् । अ॒ग्नि॒ष्टोम॑  
इ॒त्यग्नि॑ - स्तो॒मः । भ॒वति॑ । ते॒जः । ए॒व । अ॒वेति॑ । रु॒न्धे ।  
प॒ञ्च॒द॒श इति॑ प॒ञ्च - द॒शः । भ॒वति॑ । इन्द्रि॒यम् । ए॒व । अ॒वेति॑ ।  
रु॒न्धे । स॒प्त॒द॒श इति॑ स॒प्त - द॒शः । भ॒वति॑ ।  
अ॒न्नाद्य॒स्येत्य॒न्न - अ॒द्यस्य॑ । अ॒व॒रु॒द्ध्य॒ा इत्य॑व - रु॒द्ध्यै ।

अथो॑ इति॑ । प्रेति॑ । ए॒व । तेन॑ । जा॒यते॑ । पञ्च॑वि॒ंश इति॑  
 पञ्च॑ – वि॒ंशः । अ॒ग्नि॒ष्टोम॑ इत्य॒ग्नि – स्तो॒मः । भ॒वति॑ ।  
 प्र॒जाप॑तेरिति॑ प्र॒जा-प॑तेः । आ॒प्त्यै॑ । म॒हाव्र॑त॒वानिति॑ म॒हाव्र॑त-॒वान् ।  
 अ॒न्नाद्य॑स्येत्य॒न्न – अ॒द्यस्य॑ । अ॒वरु॑द्ध्य॒ इत्य॒व – रु॒द्ध्यै॑ ।  
 वि॒श्वजि॑दिति॑ वि॒श्व – जि॒त् । स॒र्वपृ॑ष्ठ इति॑ स॒र्व – पृ॒ष्ठः ।  
 अ॒तिरा॑त्र इत्य॒ति – रा॒त्रः । भ॒वति॑ । स॒र्वस्य॑ । अ॒भिजि॑त्या  
 इत्य॒भि-जि॑त्यै ( ) । 39 (50) (ते॑ व्या॒वर्त॑न्त – प्र॒वदि॑ता स्या॒मिति॑  
 स ए॒तं पञ्च॑रा॒त्रमा – स॒वँत्सरो॑- भिजि॑त्यै) (A10)

### 7.1.11.1

दे॒वस्य॑त्वा स॒वितुः॑ प्र॒सवे॑ऽश्वि॒नोर्बा॒हुभ्यां॑ पू॒ष्णो ह॒स्ताभ्या॑मा द॒द  
 इ॒माम॑गृ॒भ्णन् र॒शना॑मृ॒तस्य॑ पू॒र्व आ॒युषि॑ वि॒दथे॑षु क॒व्या ।  
 तया॑ दे॒वाः सु॒तमा॑ ब॒भूवुर्॑ ऋ॒तस्य॑ सा॒मन्थ्-स॒रमा॑रप॒न्ती ।  
 अ॒भिधा॑ अ॒सि भु॑वन॒मसि॑ य॒न्ताऽसि॑ ध॒र्ताऽसि॑ सो॒ऽग्निं वै॑श्वा॒नर॑  
 सप्र॑थसं गच्छ॒ स्वाहा॑कृतः पृ॒थिव्यां॑ य॒न्ता रा॒ङ् य॒न्ताऽसि॑ य॒मनो॑

ध॒र्ता॑ऽसि॒ ध॒रु॒णः॑ ( ) कृ॒ष्यै॑ त्वा॒ क्षे॒मा॒य॑ त्वा॒ र॒य्यै॑ त्वा॒ पो॒षाय॑ त्वा॒  
पृ॒थि॒व्यै॑ त्वा॒ ऽन्त॑रि॒क्षाय॑ त्वा॒ दि॒वे॑ त्वा॒ स॒ते॑ त्वा॒ऽस॒ते॑ त्वा॒द्भ्य॑स्त्वौ –  
ष॒धी॒भ्य॑स्त्वा॒ वि॒श्वे॒॑भ्य॑स्त्वा॒ भू॒ते॒भ्यः॑ । 40

**7.1.11.1 - Padam**

दे॒वस्य॑ । त्वा॒ । स॒वि॒तुः॑ । प्र॒स॒व इति॑ प्र – स॒वे॑ । अ॒श्वि॒नोः॑ ।  
बा॒हु॒भ्या॒मिति॑ बा॒हु – भ्या॒म् । पू॒ष्णः॑ । ह॒स्ता॒भ्या॒म् । एति॑ । द॒दे॒ ।  
इ॒मा॒म् । अ॒गृ॒भ्ण॒न् । र॒श॒ना॒म् । ऋ॒तस्य॑ । पू॒र्वे॑ । आ॒यु॒षि॑ । वि॒द॒थे॑षु ।  
क॒व्या॑ । तया॑ । दे॒वाः॑ । सु॒त॒म् । एति॑ । ब॒भू॒वुः॑ । ऋ॒तस्य॑ । सा॒म॒न् ।  
स॒र॒म् । आ॒र॒प॒न्ती॒त्या॑ – र॒प॒न्ती॑ । अ॒भि॒धा इत्य॑भि – धाः॑ । अ॒सि॒ ।  
भु॒व॒न॒म् । अ॒सि॒ । य॒न्ता॑ । अ॒सि॒ । ध॒र्ता॑ । अ॒सि॒ । सः॑ । अ॒ग्नि॒म् ।  
वै॒श्वान॑र॒म् । स॒प्र॒थ॒स॒मिति॑ स – प्र॒थ॒स॒म् । ग॒च्छ॒ । स्वा॒हा॒कृत॑  
इति॑ स्वा॒हा – कृतः॑ । पृ॒थि॒व्या॒म् । य॒न्ता॑ । राट् । य॒न्ता॑ । अ॒सि॒ ।  
य॒म॒नः॑ । ध॒र्ता॑ । अ॒सि॒ । ध॒रु॒णः॑ ( ) । कृ॒ष्यै॑ । त्वा॒ । क्षे॒मा॒य॑ । त्वा॒ ।  
र॒य्यै॑ । त्वा॒ । पो॒षाय॑ । त्वा॒ । पृ॒थि॒व्यै॑ । त्वा॒ । अ॒न्त॑रि॒क्षाय॑ । त्वा॒ ।

दि॒वे । त्वा । स॒ते । त्वा । अ॒स॒ते । त्वा । अ॒द्भ्य इ॒त्यत् – भ्यः ।  
त्वा । ओ॒ष॒धी॒भ्य इ॒त्यो॒ष॒धि – भ्यः । त्वा । वि॒श्वे॒भ्यः । त्वा ।  
भू॒ते॒भ्यः । 40 (75) (ध॒रु॒णः – प॒ञ्च॒वि॒ंश॒तिश्च) (A11)

### 7.1.12.1

वि॒भूर्मा॒त्रा प्र॒भूः पि॒त्राश्चो॑ऽसि ह॒योऽस्य॑त्यो॑ऽसि न॒रोऽस्य॑र्वा॑ऽसि  
स॒प्ति॒रसि॑ वा॒ज्यसि॑ वृ॒षाऽसि॑ नृ॒मणा॑ अ॒सि य॒युर्ना॑मा॒स्यादि॒त्यानां॑  
प॒त्वा॒न्वि॒ह्य॒ग्नये॑ स्वा॒हा स्वा॒हेन्द्रा॑ग्नि॒भ्याꣳ स्वा॒हा प्र॒जाप॑तये॒ स्वाहा॑  
वि॒श्वे॒भ्यो दे॒वेभ्यः॑ स्वा॒हा सर्वा॑भ्यो दे॒वेता॑भ्य इ॒ह धृ॑तिः स्वा॒हेह  
वि॒धृतिः॑ स्वा॒हेह र॒न्तिः स्वा॒हे ( ) –ह र॑मतिः स्वा॒हा भू॒रसि॑ भु॒वे  
त्वा भ॑व्याय त्वा भ॑विष्यते त्वा वि॒श्वे॒भ्यस्त्वा भू॒तेभ्यो॑ दे॒वा आ॑शा॒पाला॑  
ए॒तं दे॒वेभ्यो॑ऽश्चं मे॒धाय॑ प्रो॒क्षितं॑ गो॒पाय॑त । 41

### 7.1.12.1 - Padam

वि॒भू॒रिति॑ वि – भूः । मा॒त्रा । प्र॒भू॒रिति॑ प्र – भूः । पि॒त्रा । अ॒श्वः ।  
अ॒सि । ह॒यः । अ॒सि । अ॒त्यः । अ॒सि । न॒रः । अ॒सि । अ॒र्वा ।  
अ॒सि । स॒प्तिः । अ॒सि । वा॒जी । अ॒सि । वृ॒षा । अ॒सि ।

नृ॒मणा॑ इति॑ नृ॒ – म॒नाः॑ । अ॒सि॒ । य॒युः॑ । ना॒म॒ । अ॒सि॒ ।  
 आ॒दि॒त्याना॑म् । प॒त्व॑ । अ॒न्वि॒ति॑ । इ॒हि॒ । अ॒ग्नये॑ । स्वा॒हा॑ । स्वा॒हा॑ ।  
 इ॒न्द्रा॒ग्नि॒भ्यामि॑तीन्द्रा॒ग्नि॒ – भ्या॑म् । स्वा॒हा॑ । प्र॒जाप॑तय इति॑  
 प्र॒जा – प॑तये । स्वा॒हा॑ । वि॒श्वेभ्यः॑ । दे॒वेभ्यः॑ । स्वा॒हा॑ । सर्वा॑भ्यः ।  
 दे॒वेता॑भ्यः । इ॒ह॒ । धृ॒तिः॑ । स्वा॒हा॑ । इ॒ह॒ । वि॒धृति॑रिति॑ वि – धृ॒तिः॑ ।  
 स्वा॒हा॑ । इ॒ह॒ । र॒न्तिः॑ । स्वा॒हा॑ ( ) । इ॒ह॒ । र॒मतिः॑ । स्वा॒हा॑ । भूः॑ ।  
 अ॒सि॒ । भु॒वे॑ । त्वा॒ । भ॒व्याय॑ । त्वा॒ । भ॒विष्य॑ते । त्वा॒ । वि॒श्वेभ्यः॑ ।  
 त्वा॒ । भू॒तेभ्यः॑ । दे॒वाः॑ । आ॒शापा॑ला इत्या॒शा – पा॑लाः । ए॒तम् ।  
 दे॒वेभ्यः॑ । अ॒श्वम् । मे॒धाय॑ । प्रो॒क्षित॑मिति॑ प्र – उ॒क्षित॑म् ।

गो॒पाय॑त । 41 (72) (र॒न्तिः॑ स्वा॒हा – द्वावि॑ंशतिश्च] (A12)

### 7.1.13.1

आ॒य॒नाय॑ स्वा॒हा॑ प्रा॒य॒णाय॑ स्वा॒होद्द्रा॑वाय स्वा॒होद्द्रु॑ताय स्वा॒हा॑  
 शू॒का॒राय॑ स्वा॒हा॑ शू॒कृ॒ताय॑ स्वा॒हा॑ प॒लायि॑ताय स्वा॒हा॑ ऽप॒लायि॑ताय

स्वाहा ऽऽवल्गाते स्वाहा परावल्गाते स्वाहा ऽऽयते स्वाहा प्रयते स्वाहा  
सर्वस्मै स्वाहा । 42

**7.1.13.1 - Padam**

आयनायेत्या – अयनाय । स्वाहा । प्रायणायेति प्र – अयनाय ।  
स्वाहा । उद्द्रावायेत्युत् – द्रावाय । स्वाहा । उद्द्रुतायेत्युत् – द्रुताय ।  
स्वाहा । शूकारायेति शू – काराय । स्वाहा । शूकृतायेति शू – कृताय ।  
स्वाहा । पलायिताय । स्वाहा । आपलायितायेत्या – पलायिताय ।  
स्वाहा । आवल्गात इत्या – वल्गाते । स्वाहा । परावल्गात इति  
परा – वल्गाते । स्वाहा । आयत इत्या – यते । स्वाहा ।  
प्रयत इति प्र – यते । स्वाहा । सर्वस्मै । स्वाहा । 42 (26)

(आयनायोत्तरमापलायिताय षड्विंशतिः) (A13)

**7.1.14.1**

अग्नये स्वाहा सोमाय स्वाहा वायवे स्वाहा ऽपां मोदाय स्वाहा  
सवित्रे स्वाहा सरस्वत्यै स्वाहेन्द्राय स्वाहा बृहस्पतये स्वाहा  
मित्राय स्वाहा वरुणाय स्वाहा सर्वस्मै स्वाहा । 43

**7.1.14.1 - Padam**

अ॒ग्नये॑ । स्वा॒हा । सो॒माय॑ । स्वा॒हा । वा॒यवे॑ । स्वा॒हा । अ॒पाम् ।  
मो॒दाय॑ । स्वा॒हा । स॒वित्रे॑ । स्वा॒हा । स॒रस्व॑त्यै । स्वा॒हा । इ॒न्द्राय॑ ।  
स्वा॒हा । बृ॒हस्प॑तये । स्वा॒हा । मि॒त्राय॑ । स्वा॒हा । व॒रुणाय॑ । स्वा॒हा ।  
सर्व॑स्मै । स्वा॒हा । 43 (23)

(अ॒ग्नये॑ वा॒यवे॑ऽपां॑ मो॒दाये॑न्द्रा॒य त्रयो॑वि॒ंशतिः॑) (A14)

**7.1.15.1**

पृ॒थिव्यै॑ स्वा॒हा ऽन्तरि॑क्षाय स्वा॒हा दि॒वे स्वा॒हा सू॒र्याय॑ स्वा॒हा च॒न्द्रम॑से  
स्वा॒हा नक्ष॑त्रेभ्यः स्वा॒हा प्रा॒च्यै दि॒शे स्वा॒हा दक्षि॑णायै दि॒शे स्वा॒हा  
प्र॒तीच्यै॑ दि॒शे स्वा॒हो-दी॒च्यै दि॒शे स्वा॒होर्ध्वा॒यै दि॒शे स्वा॒हा दिग्भ्यः॑  
स्वा॒हा ऽवा॒न्तर॑दिशाभ्यः स्वा॒हा स॒माभ्यः॑ स्वा॒हा श॒रद्भ्यः॑ स्वा॒हा  
ऽहो॒रात्रे॑भ्यः स्वा॒हा ऽर्ध॑मासेभ्यः स्वा॒हा मा॒सेभ्यः॑ स्वा॒हा तृ॒भ्यः॑ स्वा॒हा  
सँव॑त्स॒राय॑ स्वा॒हा सर्व॑स्मै स्वा॒हा । 44



**7.1.15.1 - Padam**

पृ॒थि॒व्यै॑ । स्वा॒हा॑ । अ॒न्त॒रि॒क्षाय॑ । स्वा॒हा॑ । दि॒वे॑ । स्वा॒हा॑ । सू॒र्या॒य॑ ।  
स्वा॒हा॑ । च॒न्द्र॒म॒से॑ । स्वा॒हा॑ । नक्ष॑त्रेभ्यः । स्वा॒हा॑ । प्रा॒च्यै॑ । दि॒शे॑ ।  
स्वा॒हा॑ । दक्षि॑णायै । दि॒शे॑ । स्वा॒हा॑ । प्र॒ती॒च्यै॑ । दि॒शे॑ । स्वा॒हा॑ ।  
उ॒दी॒च्यै॑ । दि॒शे॑ । स्वा॒हा॑ । उ॒र्ध्वा॒यै॑ । दि॒शे॑ । स्वा॒हा॑ । दिग्भ्य॑ इति  
दिक् - भ्यः॑ । स्वा॒हा॑ । अ॒वा॒न्त॒र॒दि॒शा॒भ्य॑ इत्य॒वा॒न्त॒र - दि॒शा॒भ्यः॑ ।  
स्वा॒हा॑ । स॒मा॒भ्यः॑ । स्वा॒हा॑ । श॒रद्भ्य॑ इति श॒रत् - भ्यः॑ । स्वा॒हा॑ ।  
अ॒हो॒रा॒त्रे॒भ्य॑ इत्य॒हः - रा॒त्रे॒भ्यः॑ । स्वा॒हा॑ । अ॒र्ध॒मा॒से॒भ्य॑ इत्य॒र्ध -  
मा॒से॒भ्यः॑ । स्वा॒हा॑ । मा॒से॒भ्यः॑ । स्वा॒हा॑ । ऋ॒तु॒भ्य॑ इत्य॒तु - भ्यः॑ ।  
स्वा॒हा॑ । सँ॒व॒थ्स॒रा॒ये॒ति॑ सं - व॒थ्स॒रा॒य॑ । स्वा॒हा॑ । स॒र्व॒स्मै॑ ।  
स्वा॒हा॑ । 44 (47) (पृ॒थि॒व्यै॑ सू॒र्या॒य॑ नक्ष॑त्रेभ्यः प्रा॒च्यै॑

स॒प्त॒च॒त्वा॒रि॒ंश॒त्) (A15)

**7.1.16.1**

अ॒ग्नये॑ स्वा॒हा॑ सो॒मा॒य॑ स्वा॒हा॑ स॒वि॒त्रे॑ स्वा॒हा॑ स॒र॒स्व॒त्यै॑ स्वा॒हा॑  
पू॒ष्णे॑ स्वा॒हा॑ बृ॒ह॒स्प॒तये॑ स्वा॒हा॑ ऽपां॑ मो॒दा॒य॑ स्वा॒हा॑ वा॒यवे॑ स्वा॒हा॑

मि॒त्राय॑ स्वा॒हा वरु॑णाय॒ स्वाहा॑ सर्व॒स्मै स्वा॒हा ॥ 45

**7.1.16.1 - Padam**

अ॒ग्नये॑ । स्वा॒हा । सो॒माय॑ । स्वा॒हा । स॒वित्रे॑ । स्वा॒हा । सर॑स्वत्यै ।  
स्वा॒हा । पू॒ष्णे । स्वा॒हा । बृ॒हस्प॑तये । स्वा॒हा । अपा॑म् । मो॒दाय॑ ।  
स्वा॒हा । वा॒यवे॑ । स्वा॒हा । मि॒त्राय॑ । स्वा॒हा । वरु॑णाय । स्वा॒हा ।  
सर्व॒स्मै । स्वा॒हा ॥ 45 (23)

(अ॒ग्नये॑ स॒वित्रे॑ पू॒ष्णेऽपां॑ मो॒दाय॑ वा॒यवे॑ त्रयो॑वि॒ंशतिः॑) (A16)

**7.1.17.1**

पृ॒थिव्यै॑ स्वा॒हा ऽन्त॑रिक्षाय॒ स्वाहा॑ दि॒वे स्वा॒हा ऽग्नये॑ स्वा॒हा  
सो॒माय॑ स्वा॒हा सू॒र्याय॑ स्वा॒हा च॒न्द्रम॑से स्वा॒हा ऽह्ने॑ स्वा॒हा  
रा॒त्रियै॑ स्वा॒हर्ज॑वे स्वा॒हा सा॒धवे॑ स्वा॒हा सु॒क्षित्यै॑ स्वा॒हा क्षु॒धे स्वा॒हा  
ऽऽ॒शिति॑म्ने स्वा॒हा रौ॒गाय॑ स्वा॒हा हि॒माय॑ स्वा॒हा शी॒ताय॑ स्वा॒हा  
ऽऽत॑पाय॒ स्वाहा॑ ऽर॒ण्याय॑ स्वा॒हा सु॒वर्गाय॑ स्वा॒हा लो॒काय॑ स्वा॒हा  
सर्व॒स्मै स्वा॒हा ॥ 46

**7.1.17.1 - Padam**

पृ॒थि॒व्यै॑ । स्वा॒हा॑ । अ॒न्त॒रि॒क्षाय॑ । स्वा॒हा॑ । दि॒वे॑ । स्वा॒हा॑ । अ॒ग्नये॑ ।  
स्वा॒हा॑ । सो॒माय॑ । स्वा॒हा॑ । सू॒र्याय॑ । स्वा॒हा॑ । च॒न्द्र॒म॒से॑ । स्वा॒हा॑ ।  
अ॒ह्ने॑ । स्वा॒हा॑ । रा॒त्रि॒यै॑ । स्वा॒हा॑ । ऋ॒ज॒वे॑ । स्वा॒हा॑ । सा॒ध॒वे॑ ।  
स्वा॒हा॑ । सु॒क्षि॒त्या इति॑ सु – क्षि॒त्यै॑ । स्वा॒हा॑ । क्षु॒धे॑ । स्वा॒हा॑ ।  
आ॒शि॒ति॒म्ने॑ । स्वा॒हा॑ । रो॒गाय॑ । स्वा॒हा॑ । हि॒माय॑ । स्वा॒हा॑ । शी॒ताय॑ ।  
स्वा॒हा॑ । आ॒त॒पा॒ये॒त्या – त॒पाय॑ । स्वा॒हा॑ । अ॒र॒ण्याय॑ । स्वा॒हा॑ ।  
सु॒व॒र्गा॒ये॒ति सु॒वः – गा॒य॑ । स्वा॒हा॑ । लो॒काय॑ । स्वा॒हा॑ । स॒र्व॒स्मै॑ ।  
स्वा॒हा॑ । 46 (44) (पृ॒थि॒व्या अ॒ग्नये॑ऽह्ने॑ रा॒त्रि॒यै॑ च॒तुश्च॑त्वारि॒ंशत्)  
(A17)

**7.1.18.1**

भु॒वो दे॒वानां॑ क॒र्म॒णाऽप॑स॒र्तस्य॑ प॒थ्याऽसि॑ वसु॒भि-दे॒वे॒भि-दे॒व॒तया॑  
गा॒य॒त्रेण॑ त्वा छ॒न्द॒सा यु॑न॒ज्मि व॑स॒न्तेन॑ त्व॒र्तुना॑ ह॒विषा॑ दी॒क्षया॑मि  
रु॒द्रे॒भि-दे॒वे॒भि-दे॒व॒तया॑ त्रै॒ष्टु॒भेन॑ त्वा छ॒न्द॒सा यु॑न॒ज्मि ग्री॒ष्मेण॑  
त्व॒र्तुना॑ ह॒विषा॑ दी॒क्षया॑-म्यादि॒त्ये॒भि-दे॒वे॒भि-दे॒व॒तया॑ जा॒ग॒तेन॑ त्वा

छन्दसा॑ युनज्मि॑ वर्॒षाभिस्त्वर्तु॑ना॒ हविषा॑ दीक्षयामि॒ विश्वेभि॑-  
र्दे॒वेभि॑-र्दे॒वतया॑ ऽऽनुष्टु॒भेन॑ त्वा॒ छन्दसा॑ युनज्मि॑ – [ ] 47

**7.1.18.1 - Padam**

भुवः॑ । दे॒वानाम् । कर्म॑णा । अप॒सा । ऋत॑स्य । प॒थ्या । अ॒सि ।  
वसु॑भिरिति॒ वसु॑ – भिः । दे॒वेभिः । दे॒वतया॑ । गाय॑त्रेण । त्वा ।  
छन्द॑सा । युनज्मि॑ । वस॑न्तेन । त्वा । ऋतु॑ना॒ हविषा॑ । दीक्षयामि॒ ।  
रुद्रे॑भिः । दे॒वेभिः । दे॒वतया॑ । त्रैष्टु॒भेन॑ । त्वा । छन्द॑सा । युनज्मि॑ ।  
ग्रीष्मे॑ण । त्वा । ऋतु॑ना॒ हविषा॑ । दीक्षयामि॒ । आदि॑त्येभिः ।  
दे॒वेभिः । दे॒वतया॑ । जा॒गतेन॑ । त्वा । छन्द॑सा । युनज्मि॑ । वर्॒षाभिः ।  
त्वा । ऋतु॑ना॒ हविषा॑ । दीक्षयामि॒ । विश्वे॑भिः । दे॒वेभिः । दे॒वतया॑ ।  
आनुष्टु॒भेनेत्यानु॑ – स्तु॒भेन॑ । त्वा । छन्द॑सा । युनज्मि॑ । 47 (50)

**7.1.18.2**

शर॑दा त्वर्तु॑ना॒ हविषा॑ दीक्षयाम्यङ्गि॑रोभि॒-र्दे॒वेभि॑-र्दे॒वतया॑  
पाङ्के॑न त्वा॒ छन्दसा॑ युनज्मि॑ हेम॑न्तशिशिराभ्यां॒ त्वर्तु॑ना॒ हविषा॑  
दीक्षयाम्याऽहं॑ दीक्षाम॑रुहमृ॒तस्य॑ प॒त्नीं गाय॑त्रेण॒ छन्दसा॑

ब्र॒ह्म॒णा च॒र्त॑ꣳ स॒त्येऽधाꣳ स॒त्यमृ॒तेऽधां॑ ।

म॒हीमू॒षु सु॒त्रामा॑ण – मि॒ह धृ॒तिः स्वा॒हेह वि॒धृतिः॑ स्वा॒हेह र॒न्तिः  
स्वा॒हेह र॒मतिः॑ स्वा॒हा ॥ 48

**7.1.18.2 - Padam**

श॒रदा॑ । त्वा । ऋ॒तुना॑ । ह॒विषा॑ । दी॒क्षया॑मि । अ॒ङ्गिरो॑भिरित्यङ्गि॒रः-  
भिः । दे॒वैभिः॑ । दे॒वत॑या । पा॒ङ्केन॑ । त्वा । छ॒न्दसा॑ । यु॒नज्मि॑ ।  
हे॒मन्त॑शि॒शिरा॑भ्यामिति हे॒मन्त॑ – शि॒शिरा॑भ्याम् । त्वा । ऋ॒तुना॑ ।  
ह॒विषा॑ । दी॒क्षया॑मि । ए॒ति । अ॒हम् । दी॒क्षाम् । अ॒रुहम्॑ । ऋ॒तस्य॑ ।  
प॒त्नीम् । गा॒यत्रे॑ण । छ॒न्दसा॑ । ब्र॒ह्म॒णा । च । ऋ॒तम् । स॒त्ये ।  
अ॒धाम् । स॒त्यम् । ऋ॒ते । अ॒धाम् । म॒हीम् । उ । स्वि॒ति ।  
सु॒त्रामा॑णमिति सु – त्रा॒माणम् । इ॒ह । धृ॒तिः । स्वा॒हा । इ॒ह ।  
वि॒धृति॑रिति वि – धृ॒तिः । स्वा॒हा । इ॒ह । र॒न्तिः । स्वा॒हा । इ॒ह ।  
र॒मतिः॑ । स्वा॒हा ॥ 48 (49)

(आ॒नुष्टु॒भेन॑ त्वा छ॒न्दसा॑ यु॒नज्म्ये॑ – का॒न्न प॑ञ्चा॒शच्च॑) (A18)

**7.1.19.1**

ई॒का॒रा॒य॒ स्वा॒हे॑ कृ॒ता॒य॒ स्वा॒हा॒ क्र॒न्द॒ते॒ स्वा॒हा॒ ऽव॒क्र॒न्द॒ते॒ स्वा॒हा॒  
प्रो॒थ॒ते॒ स्वा॒हा॒ प्र॒प्रो॒थ॒ते॒ स्वा॒हा॒ ग॒न्धा॒य॒ स्वा॒हा॒ घ्रा॒ता॒य॒ स्वा॒हा॒  
प्रा॒णा॒य॒ स्वा॒हा॒ व्या॒ना॒य॒ स्वा॒हा॒ ऽपा॒ना॒य॒ स्वा॒हा॒ स॒न्दी॒य॒मा॒ना॒य॒ स्वा॒हा॒  
स॒न्दि॒ता॒य॒ स्वा॒हा॒ वि॒चृ॒त्य॒मा॒ना॒य॒ स्वा॒हा॒ वि॒चृ॒त्ता॒य॒ स्वा॒हा॒  
प॒ला॒यि॒ष्य॒मा॒णा॒य॒ स्वा॒हा॒ प॒ला॒यि॒ता॒य॒ स्वा॒हो॒पर॒॑स्य॒ते॒ स्वा॒हो॒पर॒॑ता॒य॒  
स्वा॒हा॒ नि॒वे॒क्ष्य॒ते॒ स्वा॒हा॒ नि॒वि॒श॒मा॒ना॒य॒ स्वा॒हा॒ नि॒वि॒ष्टा॒य॒ स्वा॒हा॒  
नि॒ष॒थ॒स्य॒ते॒ स्वा॒हा॒ नि॒षी॒द॒ते॒ स्वा॒हा॒ नि॒ष॒ण्णा॒य॒ स्वा॒हा॒ – [ ] 49

**7.1.19.1 - Padam**

ई॒का॒रा॒ये॒ती॒म् – का॒रा॒य॒ । स्वा॒हा॒ । ई॒कृ॒ता॒ये॒ती॒म् – कृ॒ता॒य॒ । स्वा॒हा॒ ।  
क्र॒न्द॒ते॒ । स्वा॒हा॒ । अ॒व॒क्र॒न्द॒त॒ इ॒त्य॒व – क्र॒न्द॒ते॒ । स्वा॒हा॒ । प्रो॒थ॒ते॒ ।  
स्वा॒हा॒ । प्र॒प्रो॒थ॒त॒ इ॒ति॒ प्र – प्रो॒थ॒ते॒ । स्वा॒हा॒ । ग॒न्धा॒य॒ । स्वा॒हा॒ ।  
घ्रा॒ता॒य॒ । स्वा॒हा॒ । प्रा॒णा॒ये॒ति॒ प्र – अ॒ना॒य॒ । स्वा॒हा॒ । व्या॒ना॒ये॒ति॒  
वि – अ॒ना॒य॒ । स्वा॒हा॒ । अ॒पा॒ना॒ये॒त्य॒प – अ॒ना॒य॒ । स्वा॒हा॒ ।  
सं॒दी॒य॒मा॒ना॒ये॒ति॒ सं॒दी॒य॒मा॒ना॒य॒ । स्वा॒हा॒ । सं॒दि॒ता॒ये॒ति॒ सं॒दि॒ता॒य॒ ।

स्वाहा॑ । वि॒चृत्य॑मा॒नाये॑ति वि – चृत्य॑मा॒नाय । स्वाहा॑ । वि॒चृ॒त्ताये॑ति  
 वि – चृ॒त्ताय । स्वाहा॑ । प॒लायि॑ष्यमा॒णाय । स्वाहा॑ । प॒लायि॑ताय ।  
 स्वाहा॑ । उ॒पर॑स्यत इत्युप – र॑स्यते । स्वाहा॑ । उ॒पर॑तायेत्युप –  
 र॒ताय । स्वाहा॑ । नि॒वेक्ष्य॑त इति नि – वेक्ष्य॑ते । स्वाहा॑ ।  
 नि॒वि॒शमा॑नाये॑ति नि – वि॒शमा॑नाय । स्वाहा॑ । नि॒वि॒ष्टाये॑ति  
 नि – वि॒ष्टाय । स्वाहा॑ । नि॒ष॒थ्स्य॑त इति नि – स॒थ्स्य॑ते । स्वाहा॑ ।  
 नि॒षी॒दत॑ इति नि – सी॒दते । स्वाहा॑ । नि॒षण्णा॑येति नि – स॒न्नाय ।  
 स्वाहा॑ । 49 (50)

### 7.1.19.2

ऽऽसि॑ष्यते स्वाहा ऽऽसी॑नाय स्वाहा ऽऽसि॑ताय स्वाहा नि॒प॒थ्स्य॑ते  
 स्वाहा नि॒प॒द्य॑मा॒नाय स्वाहा नि॒प॒न्नाय॑ स्वाहा श॒यि॑ष्यते स्वाहा  
 श॒या॒नाय॑ स्वाहा श॒यि॑ताय स्वाहा सं॒मी॒लि॒ष्य॑ते स्वाहा सं॒मी॒ल॑ते  
 स्वाहा सं॒मी॒लि॒ताय॑ स्वाहा स्व॒प्स्य॑ते स्वाहा स्व॒प॑ते स्वाहा सु॒प्ताय॑  
 स्वाहा प्र॒भो॒थ्स्य॑ते स्वाहा प्र॒बु॒ध्य॑मा॒नाय स्वाहा प्र॒बु॒द्धाय॑ स्वाहा

जा॒गरि॒ष्यते॑ स्वा॒हा जा॒ग्रते॑ स्वा॒हा जा॒गरि॒ताय॑ स्वा॒हा शु॒श्रूष॑मा॒णाय॑  
स्वा॒हा शृ॒ण्वते॑ स्वा॒हा श्रु॒ताय॑ स्वा॒हा वी॒क्षिष्य॑ते स्वा॒हा – [ ] 50

**7.1.19.2 - Padam**

आ॒सिष्य॑ते । स्वा॒हा । आ॒सी॒नाय॑ । स्वा॒हा । आ॒सि॒ताय॑ । स्वा॒हा ।  
नि॒प॒थ॒स्य॑त इति॑ नि – प॒थ॒स्य॑ते । स्वा॒हा । नि॒प॒द्य॑मा॒नायेति॑  
नि – प॒द्य॑मा॒नाय॑ । स्वा॒हा । नि॒प॒न्ना॑येति॑ नि – प॒न्नाय॑ । स्वा॒हा ।  
श॒यिष्य॑ते । स्वा॒हा । श॒या॒नाय॑ । स्वा॒हा । श॒यि॒ताय॑ । स्वा॒हा ।  
स॒म्मी॒लिष्य॑त इति॑ सं – मी॒लिष्य॑ते । स्वा॒हा । स॒म्मी॒ल॒त इति॑  
सं – मी॒ल॒ते । स्वा॒हा । स॒म्मी॒लि॒तायेति॑ सं – मी॒लि॒ताय॑ ।  
स्वा॒हा । स्व॒प॒स्य॑ते । स्वा॒हा । स्व॒प॒ते । स्वा॒हा । सु॒प॒ताय॑ । स्वा॒हा ।  
प्र॒भो॒थ॒स्य॑त इति॑ प्र – भो॒थ॒स्य॑ते । स्वा॒हा । प्र॒बु॒ध्य॑मा॒नायेति॑  
प्र – बु॒ध्य॑मा॒नाय॑ । स्वा॒हा । प्र॒बु॒द्धा॑येति॑ प्र – बु॒द्धाय॑ । स्वा॒हा ।  
जा॒गरि॒ष्यते॑ । स्वा॒हा । जा॒ग्र॒ते । स्वा॒हा । जा॒गरि॒ताय॑ । स्वा॒हा ।



शुश्रूष॑माणाय॒ । स्वाहा॑ ॥ शृण्व॑ते । स्वाहा॑ ॥ श्रुता॑य । स्वाहा॑ ॥

वीक्षि॑ष्यत इति॑ वि – ईक्षि॑ष्यते । स्वाहा॑ ॥ 50 (50)

### 7.1.19.3

वीक्ष॑माणाय॒ स्वाहा॑ वीक्षि॑ताय॒ स्वाहा॑ सञ्हा॑स्यते स्वाहा॑ संजिहा॑नाय॒  
स्वाहो॑-ज्जिहा॑नाय॒ स्वाहा॑ विवथ्स्स्य॑ते स्वाहा॑ विवर्त॑मानाय॒ स्वाहा॑  
विवृ॑त्ताय॒ स्वाहो॑-त्थास्य॑ते स्वाहो॑त्तिष्ठ॑ते स्वाहो॑त्थिताय॒ स्वाहा॑  
विध॑विष्यते स्वाहा॑ विधू॑न्वानाय॒ स्वाहा॑ विधू॑ताय॒ स्वाहो॑-त्क्रञ्ज॑स्यते  
स्वाहो॑त्क्राम॑ते स्वाहो॑त्क्रान्ताय॒ स्वाहा॑ चङ्क्रमि॑ष्यते स्वाहा॑  
चङ्क्र॑म्यमाणाय॒ स्वाहा॑ चङ्क्र॑मिताय॒ स्वाहा॑ कण्डू॑यिष्यते स्वाहा॑  
कण्डू॑यमानाय॒ स्वाहा॑ कण्डू॑यिताय॒ स्वाहा॑ निक॑षिष्यते स्वाहा॑  
निक॑षमाणाय॒ स्वाहा॑ ( ) निक॑षिताय॒ स्वाहा॑ यदति॑ तस्मै॒ स्वाहा॑ यत्  
पिब॑ति तस्मै॒ स्वाहा॑ यन्मे॑हति तस्मै॒ स्वाहा॑ यच्छ॑कृत् करोति॑ तस्मै॒  
स्वाहा॑ रेत॑से स्वाहा॑ प्र॒जाभ्यः॒ स्वाहा॑ प्र॒जन॑नाय॒ स्वाहा॑ सर्व॑स्मै॒  
स्वाहा॑ ॥ 51

**7.1.19.3 - Padam**

वी॒क्ष॒मा॒णा॒ये॒ति॒ वि॒-ई॒क्ष॒मा॒णाय॑ । स्वाहा॑ ॥ वी॒क्षि॒ता॒ये॒ति॒ वि॒-ई॒क्षि॒ताय॑ ।  
स्वाहा॑ ॥ स॒हा॒स्य॒त इति॑ सं - हा॒स्य॒ते । स्वाहा॑ ॥  
सं॒जि॒हा॒ना॒ये॒ति॒ सं - जि॒हा॒नाय॑ । स्वाहा॑ ॥ उ॒ज्जि॒हा॒ना॒ये॒त्युत्-  
जि॒हा॒नाय॑ । स्वाहा॑ ॥ वि॒व॒थ्स्य॒त इति॑ वि - व॒थ्स्य॒ते । स्वाहा॑ ॥  
वि॒व॒र्त॒मा॒ना॒ये॒ति॒ वि - वर्त॒मा॒नाय॑ । स्वाहा॑ ॥ वि॒वृ॒त्ता॒ये॒ति॒ वि-वृ॒त्ताय॑ ।  
स्वाहा॑ ॥ उ॒त्था॒स्य॒त इत्युत् - स्था॒स्य॒ते । स्वाहा॑ ॥ उ॒त्ति॒ष्ठ॒त इत्युत्-  
ति॒ष्ठ॒ते । स्वाहा॑ ॥ उ॒त्थि॒ता॒ये॒त्युत् - स्थि॒ताय॑ । स्वाहा॑ ॥ वि॒ध॒वि॒ष्य॒त  
इति॑ वि - ध॒वि॒ष्य॒ते । स्वाहा॑ ॥ वि॒धू॒न्वा॒ना॒ये॒ति॒ वि - धू॒न्वा॒नाय॑ ।  
स्वाहा॑ ॥ वि॒धू॒ता॒ये॒ति॒ वि - धू॒ताय॑ । स्वाहा॑ ॥ उ॒त्क्र॒ञ्च॒स्य॒त इत्युत्-  
क्र॒ञ्च॒स्य॒ते । स्वाहा॑ ॥ उ॒त्क्रा॒म॒त इत्युत् - क्रा॒म॒ते । स्वाहा॑ ॥  
उ॒त्क्रा॒न्ता॒ये॒त्युत् - क्रा॒न्ताय॑ । स्वाहा॑ ॥ च॒ङ्क्र॒मि॒ष्य॒ते । स्वाहा॑ ॥  
च॒ङ्क्र॒म्य॒मा॒णाय॑ । स्वाहा॑ ॥ च॒ङ्क्र॒मि॒ताय॑ । स्वाहा॑ ॥ क॒ण्डू॒यि॒ष्य॒ते ।  
स्वाहा॑ ॥ क॒ण्डू॒य॒मा॒नाय॑ । स्वाहा॑ ॥ क॒ण्डू॒यि॒ताय॑ । स्वाहा॑ ॥

निक॑षि॒ष्यत॑ इति॑ नि – क॑षि॒ष्यते॑ । स्वाहा॑ । निक॑षमा॒णाये॑ति  
 नि – क॑षमा॒णाय॑ । स्वाहा॑ ( ) । निक॑षिताये॑ति नि – क॑षिताय॑ ।  
 स्वाहा॑ । यत् । अ॒त्ति॑ । तस्मै॑ । स्वाहा॑ । यत् । पि॒बति॑ । तस्मै॑ ।  
 स्वाहा॑ । यत् । मे॒हति॑ । तस्मै॑ । स्वाहा॑ । यत् । श॒कृत् । करो॑ति ।  
 तस्मै॑ । स्वाहा॑ । रे॒तसे॑ । स्वाहा॑ । प्र॒जाभ्य॑ इति॑ प्र – जा॒भ्यः॑ ।  
 स्वाहा॑ । प्र॒जन॑नाये॑ति प्र – जन॑नाय॑ । स्वाहा॑ । सर्व॑स्मै ।  
 स्वाहा॑ । 51 (77) (नि॒षण्णाय॑ स्वाहा॑ – वी॒क्षि॒ष्यते॑ स्वाहा॑ –  
 नि॒क॑षमा॒णाय॑ स्वाहा॑ – स॒प्तवि॒ंशति॑श्च) (A19)

### 7.1.20.1

अ॒ग्नये॑ स्वाहा॑ वा॒यवे॑ स्वाहा॑ सू॒र्याय॑ स्वाहा॑-र्त॑म॒स्यृत॑स्य॒र्तम॑सि  
 स॒त्यम॑सि स॒त्यस्य॑ स॒त्यम॑स्यृत॑स्य प॒न्था॑ अ॒सि दे॒वानां॑ छा॒याऽमृत॑स्य  
 ना॒म तथ् स॒त्यं यत् त्वं प्र॒जाप॑तिर॒स्यधि॑ यद॒स्मिन् वा॒जिनी॑व शु॒भः  
 स्प॒र्द्धन्ते॑ दि॒वः सू॒र्येण॑ वि॒शोऽपो॑ वृ॒णानः॑ प॒वते॑ क॒व्यन् प॒शुं न गो॑पा  
 इ॒र्यः परि॑ज्मा । 52

**7.1.20.1 - Padam**

अ॒ग्नये॑ । स्वा॒हा । वा॒यवे॑ । स्वा॒हा । सू॒र्याय॑ । स्वा॒हा । ऋ॒तम् ।  
 अ॒सि । ऋ॒तस्य॑ । ऋ॒तम् । अ॒सि । स॒त्यम् । अ॒सि । स॒त्यस्य॑ ।  
 स॒त्यम् । अ॒सि । ऋ॒तस्य॑ । प॒न्थाः । अ॒सि । दे॒वाना॑म् । छा॒या ।  
 अ॒मृत॑स्य । ना॒म । तत् । स॒त्यम् । यत् । त्वम् । प्र॒जाप॑तिरिति  
 प्र॒जा – प॑तिः । अ॒सि । अधी॑ति । यत् । अ॒स्मिन् । वा॒जिनि॑ । इ॒व ।  
 शु॒भः । स्पर्ध॑न्ते । दि॒वः । सू॒र्येण॑ । वि॒शः । अ॒पः । वृ॒णानः॑ ।  
 प॒वते॑ । क॒व्यन् । प॒शुम् । न । गो॒पा इति॑ गो – पाः । इ॒र्यः ।  
 परि॒ज्मेति॑ परि – ज्मा । 52 (48)

(अ॒ग्नये॑ वा॒यवे॑ सू॒र्याया॑ – ऽष्टा॑च॒त्वारि॑ंशत्) (A20)

**Prasna Korvai with starting Padams of 1 to 20 Anuvaakams :-**

(प्र॒जन॑नं – प्रा॒तः स॒वने॑ वै – ब्र॒ह्मवा॑दिनः स त्वा – अ॒ङ्गिर॑स – आ॒पो  
 वै – सो॒मो वै – स॒हस्र॑त॒म्या – त्रि – र्ज॒मद॑ग्निः – सँव॑त्स॒रो –  
 दे॒वस्य॑ – वि॒भू – रा॒यना॑या – अ॒ग्नये॑ – पृ॒थिव्या॑ – अ॒ग्नये॑ – पृ॒थिव्यै॑  
 – भुव॑ – ई॒का॒राया॑ – अ॒ग्नये॑ वा॒यवे॑ सू॒र्याय॑ – वि॒ंश॑तिः )

पद पाठे (वाक्य सहित) – सप्तमकाण्डे – प्रथमः प्रश्नः

---

**Korvai with starting Padams of 1, 11, 21 Series of Panchaatis :-**

(प्र॒जन॑न – म॒ङ्गिर॑सः – सो॒मो॒ वै – प्र॒तिगृ॑ह्णाति – वि॒भू –  
वी॒क्ष॑मा॒णाय॒ – द्वि॒पञ्चा॑शत्)

**First and Last Padam of First Prasnam of 7th Kandam**

(प्र॒जन॑नं – परि॒ज्मा)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे

सप्तमकाण्डे प्रथमः प्रश्नः समाप्तः ॥

---

पद पाठे (वाक्य सहित) – सप्तमकाण्डे – प्रथमः प्रश्नः

---

**Details of Panchati and Padam for Kandam 7 – Prasanam 1 – TS 7.1**

	Panchati	Padams
Anuvakam 1	6	309
Anuvakam 2	1	63
Anuvakam 3	3	144
Anuvakam 4	3	171
Anuvakam 5	7	347
Anuvakam 6	8	389
Anuvakam 7	4	212
Anuvakam 8	2	118
Anuvakam 9	1	48
Anuvakam 10	4	200
Anuvakam 11	1	75
Anuvakam 12	1	72
Anuvakam 13	1	26
Anuvakam 14	1	23
Anuvakam 15	1	47
Anuvakam 16	1	23
Anuvakam 17	1	44
Anuvakam 18	2	99
Anuvakam 19	3	177

पद पाठे (वाक्य सहित) – सप्तमकाण्डे – प्रथमः प्रश्नः

---

Anuvakam 20	1	48
Total →	52	2635

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)